



FYLKESMANNEN I  
MØRE OG ROMSDAL



## Kommunebilde

# Skodje kommune



Eit grunnlagsdokument for dialog mellom Skodje kommune og Fylkesmannen i  
Møre og Romsdal

11.11.2014

**Utgitt av Fylkesmannen i Møre og Romsdal**

**Dokument ferdigstilt 19.11.2014**

**Ansvarleg redaktør :** Assisterende fylkesmann Rigmor Brøste,

**Redaksjon/Kontaktpersonar:**

Sveinung Dimmen, samordnar, Fylkesmannen i Møre og Romsdal tlf: 71 25 84 20 / 48 14 90 56  
epost: [sveinung.dimmen@fylkesmannen.no](mailto:sveinung.dimmen@fylkesmannen.no)

Vidar Myklebust, kommunikasjonsrådgivar, Fylkesmannen i Møre og Romsdal, tlf 71 25 84 19 / 918  
28 322 epost: [vidar.myklebust@fylkesmannen.no](mailto:vidar.myklebust@fylkesmannen.no)

Rigmor Brøste, assisterande fylkesmann i Møre og Romsdal, tlf 71 25 84 14 / 926 59 401, epost:  
[rigmor.broste@fylkesmannen.no](mailto:rigmor.broste@fylkesmannen.no)

*For meir informasjon sjå: <http://fylkesmannen.no/More-og-Romsdal/>*

# Innhald

<b>Forord.....</b>	<b>5</b>
<b>Kap. 1 – Innleiing.....</b>	<b>6</b>
<b>1.1    Innhald/struktur i dokumentet .....</b>	<b>6</b>
<b>1.2    Kort om Fylkesmannens rolle og funksjon .....</b>	<b>8</b>
<b>1.3    Forankring i strategiplanen og i embetsoppdraget.....</b>	<b>10</b>
<b>1.4    Fylkesmannen sine satsingar på tvers av fagavdelingane .....</b>	<b>10</b>
<b>1.5    Kort om Skodje kommune.....</b>	<b>12</b>
<b>Kap. 2 - Lokal samfunnsutvikling og kommunesamordning .....</b>	<b>15</b>
<b>2.1    Generelt om status, utviklingstrekk og utfordringar på fagområdet .....</b>	<b>15</b>
<b>2.2    Kommuneplanlegging som politisk og administrativt styringsverktøy.....</b>	<b>18</b>
<b>2.3    Folkehelse .....</b>	<b>21</b>
<b>2.4    Betre oppvekst – felles innsats for barn og unge.....</b>	<b>25</b>
<b>2.5    Kommuneøkonomi og økonomistyring.....</b>	<b>28</b>
<b>2.6    Kommunereforma .....</b>	<b>30</b>
<b>Kap. 3 – Justis- og beredskap .....</b>	<b>33</b>
<b>3.1    Generelt om status, utviklingstrekk og utfordringar på fagområdet .....</b>	<b>33</b>
<b>3.2    Samfunnstryggleik og beredskap.....</b>	<b>33</b>
<b>3.3    Klagesaker etter plan- og bygningslova.....</b>	<b>35</b>
<b>3.4    Vergemål.....</b>	<b>36</b>
<b>Kap. 4 - Miljøvern og arealforvaltning .....</b>	<b>37</b>
<b>4.1    Generelt om status, utviklingstrekk og utfordringar på fagområdet .....</b>	<b>37</b>
<b>4.2    Forvaltning av arealressursane gjennom kommunal arealplanlegging .....</b>	<b>38</b>
<b>4.3    Naturvern.....</b>	<b>39</b>
<b>4.4    Forureining.....</b>	<b>40</b>
<b>Kap. 5 – Landbruk.....</b>	<b>44</b>
<b>5.1    Generelt om status, utviklingstrekk og utfordringar på fagområdet.....</b>	<b>45</b>
<b>5.2    Landbruk og bygdeutvikling .....</b>	<b>49</b>
<b>5.3    Forvaltningsoppgåver på landbruksområdet .....</b>	<b>51</b>

<b>Kap. 6 – Oppvekst og utdanning.....</b>	<b>54</b>
<b>6.1    Generelt om status, utviklingstrekk og utfordringar på fagområdet .....</b>	<b>54</b>
<b>6.2    Barnehage.....</b>	<b>55</b>
<b>6.3    Grunnskule.....</b>	<b>58</b>
<b>Kap. 7 – Helse og sosial.....</b>	<b>63</b>
<b>7.1    Generelt om status, utviklingstrekk og utfordringar på fagområdet .....</b>	<b>63</b>
<b>7.2    Kommunehelse .....</b>	<b>64</b>
<b>7.3    Pleie og omsorg .....</b>	<b>67</b>
<b>7.4    Gjennomføring av helsehjelp eller omsorgstenester med tvang .....</b>	<b>71</b>
<b>7.5    Psykisk helsearbeid.....</b>	<b>73</b>
<b>7.6    Rusfeltet .....</b>	<b>75</b>
<b>7.7    Sosialtenesta .....</b>	<b>77</b>
<b>7.8    Barnevern .....</b>	<b>80</b>
<b>Kap. 8 – Oppsummering .....</b>	<b>82</b>
<b>8.1    Generelt .....</b>	<b>82</b>
<b>8.2    Vidare dialog og samarbeid.....</b>	<b>82</b>
<b>Vedlegg.....</b>	<b>84</b>

## Forord

Kjære politikarar og leiarar i Skodje kommune!

I Møre og Romsdal ønskjer Fylkesmannen å besøke alle 36 kommunane i perioden 2013-2015 for å kunne gjere jobben som bindeledd mellom kommunane og sentrale styresmakter enda betre. På våre kommunebesøk er det formannskapet og øvste administrative leiing i kommunane vi ønskjer å ha ein dialog med.

I forkant av kvart kommunebesøk vert det utarbeidd eit kommunebilete som beskriv korleis vi ser på kommunen og korleis den utfører sine oppgåver innan dei ulike fagområda.

Etter kvart kapittel er det laga såkalla «dialogpunkt» med spørsmål som kommunen å ta med seg i sitt vidare arbeidet med kvalitetsutvikling av tenestene. Det er også meininga at vi tek fatt i nokre av desse dialogpunktene som grunnlag for diskusjonen. Kva for punkt som vert diskutert er også opp til den einskilde kommune.

Vi har ei felles målsetting om å tilby gode tenester til våre innbyggjarar i Møre og Romsdal, og vi ønskjer å vere ein medspelar for kommunane. At vi kjenner betre til kvarandre, våre ulike roller og oppgåver trur vi vil bidra til nettopp dette. Spesielt er vi opptatt av satsingsområda *folkehelse og barn og unge sine oppvekstvilkår*. Det er ei av årsakene til at vi etterspør representantar frå Ungdomsrådet, og ønskjer å høyre kva dei er opptekne av.

Vi ser fram til besøket i Skodje kommune!

**Lodve Solholm**



# Kap. 1 – Innleiing

- *Om innhald/struktur i dokumentet*
- *Kort om Fylkesmannens rolle og funksjon, med søkerlys på dialog og samarbeid med kommunane*
- *Forankring i strategiplanen og i embetsoppdraget*
- *Om overordna prioriteringar og satsingar på tvers av fagavdelingane*

## 1.1 Innhald/struktur i dokumentet

*Kommunebilde for Skodje* vil inngå som eit viktig grunnlag for nærmare samarbeid og dialog mellom Fylkesmannen og kommunen. Dokumentet er forankra i Fylkesmannens embetsoppdrag. Målet med dokumentet er at kommunen og Fylkesmannen saman kan ha dialog om ulike utfordringar og korleis ein saman kan kome fram til betre løysingar for innbyggjarane i Møre og Romsdal.

Kommunebildet vil saman med kommunestatistikk og andre aktuelle grunnlagsdokument vere eit naturleg utgangspunkt for Fylkesmannens opplegg for samordna kommunebesøk i den aktuelle kommunen. Dokumentet vil bli oppdatert/revidert i samband med dette.

Innhaldsmessig rettar dokumentet søkerlys mot følgjande tema:

- Regional og kommunal samfunnsutvikling - plansamordning
- Kommunal og beredskap
- Helse- og sosial
- Oppvekst og utdanning
- Miljøvern og arealforvaltning
- Landbruk

Tema/kapittelinnndeling avspeglar i hovudsak strukturen i fagavdelingane hos Fylkesmannen. For kvart tema blir presentasjonen bygd opp rundt tre hovedpunkt:

- **Fylkesmannen sine fokusområde**
  - *omfattar relevante og konkrete forhold for Fylkesmannens kontakt med kommunane i fylket med utgangspunkt i statlege forventningar og politikk*
- **Fylkesmannen sitt bilde av kommunen**
  - *omfattar ei kort oppsummering av kommunen sin status i forhold til Fylkesmannens fokusområde og eventuelle andre relevante forhold*
- **Dialogpunkt**
  - *omfattar utvalde innsatsområde der Fylkesmannen ønskjer nærmare dialog og samarbeid med kommunen*

Som vedlegg til dokumentet er det m.a. tatt med aktuelle lenker til:

- Statistikk
- Tabellar/figurar/kart
- Planar/dokument m.m.

*Det er viktig å understreke at kommunebildet frå Fylkesmannen si side ikkje er meint som eit uttømande bilde av kommunen, men at dokumentet rettar søkelyset mot forhold der kommunen har eit handlingsrom eller utviklingspotensial som det er viktig å ha dialog om. Dokumentet reflekterer vårt inntrykk av kommunen på overordna nivå, og er meint å gi ei rask, samla oversikt over ulike utfordringar kommunen står over for. Dei ulike punkta kan elles i ulik grad vere kvalitetssikra, og vil heller ikkje representera ein fasit eller objektivt syn på situasjonen i kommunen.*

Oversikt over nye og endra statlege styringssignal retta mot kommunane er tilgjengeleg på Fylkesmannens heimeside <http://www.fylkesmannen.no/More-og-Romsdal/>. Møre og Romsdal fylkeskommune har utarbeidd ein “statistikkpakke” til kvar kommune med tilrettelagt informasjon om utvalte utviklingstrekk for kvar kommune i fylket, og spesielt utvikla med tanke på kommunane sitt planarbeid: <http://mrfylke.no/kommunestatistikk>

Fylkesstatistikk for Møre og Romsdal, RISS og TEMP er andre publikasjonar frå fylkeskommunen som kan vere tenleg som kunnskapsgrunnlag til planarbeidet <http://mrfylke.no/Tenesteomraade/Plan-og-analyse/Statistikk-og-analyser/Fylkesstatistikk>

## 1.2 Kort om Fylkesmannens rolle og funksjon

Lodve Solholm er fylkesmann i Møre og Romsdal frå 01.10.2009. Rigmor Brøste er assisterande fylkesmann.

Fylkesmannen er Kongen og Regjeringa sin fremste representant i fylket og utfører mange og svært allsidige forvaltningsoppgåver for staten (dei ulike departementa).



Lodve Solholm

Oppgåvene er grovt sett tredelede:

- å setje i verk Regjeringa/Stortinget sin politikk ute i kommunane/fylkeskommunen
- å samordne staten sin politikk/verksemrd mot kommunane
- å passe på at innbyggjarane får den rettstryggleiken dei har krav på



Rigmor Brøste

Fylkesmannen har både reine fagoppgåver (for fagdepartement /direktorat) og meir generelle/samordna statsoppgåver. Alle oppgåvene er i det vesentlege retta mot kommunane i fylket:

- formidling av statlege styringssignal
- fordeling av statlege tilskotsordningar
- klagesaksbehandling over kommunale og fylkeskommunale vedtak etter div. særlover
- tilsyn etter div. særlover

Fylkesmannen har oppgåver innanfor fleire fag- og forvaltningsområde:

- miljø
- landbruk
- oppvekst og utdanning
- helse og sosial
- planlegging og byggesak
- kommunal organisering og tenesteyting

Fylkesmanninstrukturen har meir om oppgåvene til embetet:

<http://www.regjeringen.no/nn/dep/fad/dokument/proposisjonar-og-meldingar/Odelstingsproposisjonar/20002001/otprp-nr-84-2000-2001-.html?id=123802>

Fylkesmannsembetet i Møre og Romsdal har om lag 130 tilsette er lokalisert i Fylkeshuset i Molde. Embetet er fra 01.01.2014 organisert i to stabseiningar og fem fagavdelingar.

**Stabseiningane:**

- **Administrasjon**, med arbeidsoppgåver knytt til økonomi, personal, IKT, arkiv og service.
- **Informasjon og kommunal samordning**, med arbeidsoppgåver knytt til intern og ekstern informasjon, plansamordning etter plan- og bygningslova, kommuneøkonomi og økonomistyring, tverrfaglege prosjekt og satsingar, interkommunalt samarbeid m.v.

**Fagavdelingane:**

- **justis- og beredskapsavdelinga**
- **helse- og sosialavdelinga**
- **landbruksavdelinga**
- **miljøvernnavdelinga**
- **oppvekst- og utdanningsavdelinga**



Lenke til Fylkesmannens heimeside: <http://fylkesmannen.no/More-og-Romsdal/>

## 1.3 Forankring i strategiplanen og i embetsoppdraget

Fylkesmannen i Møre og Romsdal har vedtatt ein eigen *Strategisk plan 2012 – 2016*; sjå <http://fylkesmannen.no/fagom.aspx?m=59276&amid=3599318>

Strategiplanen er ei felles plattform som viser retning for arbeidet i planperioden. Planen skal ligge til grunn for det daglege arbeidet og verksemndplanar i avdelingane. Strategiplanen kan òg tene som nyttig informasjon til brukarar og samarbeidspartar, og vil vere ei viktig plattform i arbeidet med dei kommunevise kommunebilda.

### Strategiplan 2012-2016:

Strategiplanen tar utgangspunkt i følgjande verdiar og visjonar:

- **Verdiar:** Rettferdig, Kompetent, Open og engasjert
- **Visjon:** Trygg framtid for folk og natur

Planen rettar vidare sokelys mot følgjande tre hovudmål:

- **Setje i verk statleg politikk** – omfattar formidling og iverksetting av statleg politikk og forventningar til kommunane på tvers av alle politikkområde.
- **Samordning** - omfattar samordning av statleg og kommunal forvaltning og medverknad til samarbeid mellom regionale statsetatar og andre regionale aktørar.
- **Rettstryggleik** – omfattar fremjing av rettstryggleik for einskildmenneske og fellesskap, med vekt på likeverd.

Embetsoppdraget er ei oversikt over Fylkesmannens totale oppgåveportefølje fordelt på dei ulike departementa; sjå <http://www.fylkesmannen.no/hovedEnkel.aspx?m=69600>

## 1.4 Fylkesmannen sine satsingar på tvers av fagavdelingane

Fylkesmanninstrukksen slår m.a. fast at Fylkesmannen skal:

- medverke til samordning, forenkling og effektivisering av den statlege verksemda i fylket
- arbeide for best mulig samarbeid mellom kommunane, fylkeskommunen og den lokale statsforvaltninga
- bistå statlege etatar med behandlinga av spørsmål som blir tatt opp med kommunane eller fylkeskommunen

Fylkesmannens samordningsansvar gjeld tverrsektoriell samordning av statlege styringssignal retta mot kommunesektoren, og omfattar samordning mellom sektorar og mellom forvaltningsnivå.

Samordningsansvaret gjeld også i forhold til statlege etatar i fylket som er plassert utanfor fylkesmannsembetet, og som har eit oppfølgingsansvar overfor kommunesektoren

Det er ein føresetnad at fylkesmannsembetet i sin kontakt med kommunane opptrer samordna, det vil seie at embetet skal framstå som ei samla eining på tvers av fagavdelingane.

Som eit ledd i dette vil det vere behov for ulike typar samordning:

- Gjennom **fagleg samordning** skal Fylkesmannen samordne enkeltsektorar og søke løysingar som kan ligge i skjeringspunktet mellom ulike sektorinteresser
- Gjennom **kommunesamordning** blir styringssignal samordna for å sikre lokalt handlingsrom og samsvar mellom oppgåver og økonomisk rammer

Fylkesmannen sin kommuneretta samordningsaktivitet er forankra i statens overordna mål for styring av kommunesektoren; jf. omgrepa *rammestyring* og *lokal handlefridom*.

Kommunen skal fungere i spenningsfeltet mellom lokalsamfunnets behov for å styre eiga utvikling og statens behov for å implementere nasjonal politikk på lokalt nivå og med lokal medverknad. Kommunen skal altså kunne ivareta både ein sjølvstyrefunksjon og ein forvaltningsfunksjon. Kommunen sine muligheter til å gjere lokale politiske prioriteringar er eit sentralt mål for Fylkesmannens samordningsverksemd. Den kommunale handlefridomen skal også sikrast ved at summen av oppgåvene den enkelte kommune blir pålagt ikkje skal overstige ressursane.

Det er særleg viktig at mål og prinsipp for kommuneretta samordning blir lagt til grunn i samband med Fylkesmannens verksemd på følgjande tema-/saksområde – og også i forhold til koplingar mellom desse:

- samordning av enkeltsaker
- kommunal økonomi
- tildeling av skjønstillskot
- medverknad til kommunal planlegging
- kommunale organisasjonsspørsmål
- omstilling i kommunane

## 1.5 Kort om Skodje kommune

- Besøksadresse: Rådhuset; Skodje
- Postadresse: 6260 Skodje
- Epost: [postmottak@skodje.kommune.no](mailto:postmottak@skodje.kommune.no)
- Telefon: 70 24 40 00
- Kommunens heimeside: <http://www.skodje.kommune.no/>



*Kommunen har vesentleg større ut- enn innpendling.*

Skodje kommune ligg sentralt plassert i den midtre og nordlege delen av Sunnmøre. Skodje er nabokommune til Ålesund i vest, og grensar vidare mot Haram i nord, Vestnes i nord-aust, Ørskog i aust og Sykkylven over fjorden i sør. Det er kort veg til Ålesund sentrum og til Ålesund Lufthavn Vigra. E39 og E136 går samanfallande gjennom kommunen. Den sentrale plasseringa, gjer at Skodje er ein attraktiv bu-kommune med kort veg til ein stor arbeidsmarknad i og omkring kommunen.

Tidlegare Skodje kommune vart frå 1965 slått saman med Stordal og Ørskog til nye Ørskog kommune. I 1977 vart storkommunen delt i tre, og Skodje vart på nytt skild ut som eigen kommune. Skodje kommune har eit samla areal på 120 km<sup>2</sup>. Natur og landskap variert og mangfaldig, er prega av fjord-, skog- og fjellområde.

Skodje har over fleire år hatt vekst i folketalet. Kommunen hadde pr. 01.01.2014 eit folketal på 4387. Meir enn halvparten av kommunen sin innbyggjarar bur i Skodjebygda, medan resten bur i krinsane Svorta (Valle), Brusdal, Utvikbygda, Stette og Engesetdal. Tal frå 2013 viser at 62.4 prosent av befolkninga i Skodje er busette i tettbygde område (mot 69.2 prosent for fylket samla). Kommunen har den siste 10-årsperioden (2004 - 2014) samla sett hatt ein kraftig oppgang i folketalet, godt over gjennomsnittet for fylket samla sett (jf. +23.3 prosent i kommunen mot +6.9 prosent for fylket samla). Folketalsutviklinga siste året (2013-2014) viser tilsvarende sterk vekst med +2.5 prosent (mot +1.1 prosent for fylket samla). Dette plasserer kommunen heilt på topp i fylkesstatistikken. Tal for same periode viser både positiv innanlands nettoinnflytting (+63), og positiv nettoinnvandringa frå utlandet (+37). Innvandrarbefolkninga i prosent av det samla folketalet i kommunen (9.0 prosent) ligg under gjennomsnittet for Møre og Romsdal (jf. fylkessnitt 10.5 prosent). Tala for fylket samla ligg elles noko under landsgjennomsnittet (14.9 prosent). Fordelinga av befolkninga på aldersgrupper viser at kommunen for gruppa 0 – 19 år også her ligg godt over fylkesgjennomsnittet; 28.2 mot 24.9 prosent. For gruppa 70 år og eldre viser statistikken at kommunen plasserer seg godt under gjennomsnittstala for fylket; 8.7 prosent for kommunen mot 11.9 prosent for fylket samla.

Næringslivet i kommunen har tradisjonelt vore prega av jordbruk og skogbruk. Nye næringar har etter kvart kome til og næringslivet omfattar i dag ei rekke ulike bransjar knytt til industri, handel, offentleg og privat tenesteyting m.m. Tal for næringsliv og sysselsetting viser at *Bygg- og anleggsvirksemnd* og *Transport og lagring* står særleg sterkt i kommunen. Også på området Helse- og sosialtenester kommunen høgre enn for gjennomsnittet elles i fylket. I motsett retning ligg kommunen noko under sysselsettingsprosenten knytt til områda *Jordbruk, skogbruk og fiske* (2.4 prosent mot 4.0 for fylket samla) og *Varehandel m.m.* (10.4 prosent mot 12.9).

Kommunen har ei samla arbeidsplassdekning på 62 prosent. Dette plasserer kommunen heilt i botnskiktet i forhold til kommunane elles i fylket; jf. fylkesgjennomsnittet på 96 prosent. Tal frå 2013 viser at kommunen har vesentleg større ut- enn innpendling. (1470 pendlar ut mot 605 inn). Ålesund er den klart viktigaste pendlingskommunen med Haram som ein god nummer to. Dette omfattar både ut- og innpendling. (Kjelde: SSB og Fylkesstatistikk for Møre og Romsdal 2014)

Merk: Fylkeskommunen har utarbeidd ein kommunestatistikk med grafiske presentasjonar av aktuelle data på kommunenivå, kommunen samanlikna med andre kommunegrupper, fylket og landet; <http://mr.fylke.no/Tenesteomraade/Plan-og-analyse/Statistikk-og-analyser/Kommunestatistikk>

## Kommunen som organisasjon

Politisk organisering:

- Kommunestyret i Skodje har 21 representantar; sjå <http://www.skodje.kommune.no/Artikkel.aspx?AId=456&back=1&MId1=12&MId2=&Mid3=&>
  - Terje Vadset frå Frp er ordførar i inneverande valperiode (2011 – 2015); e-postadresse: terje.vadset@skodje.kommune.no tlf. 91693908
  - Varaordførar er Kari Grindvik frå Venstre
- Kommunen har elles formannskap med 7 faste medlemer, sjå <http://www.skodje.kommune.no/Artikkel.aspx?AId=30&back=1&MId1=12&MId2=&Mid3=&>
- For oversikt over politisk struktur og andre kommunale utval; sjå kommunens heimeside under overskrifta *Politisk struktur* <http://www.skodje.kommune.no/politikk/>

Administrativ organisering:

Bente Glomset Vikhagen er rådmann i Skodje kommune.

Epost: [bente.glomset.vikhagen@skodje.kommune.no](mailto:bente.glomset.vikhagen@skodje.kommune.no)

Tlf. 702440000

Kristian Skålhavn er assisterande rådmann.

Epost: [kristian.skalhavn@skodje.kommune.no](mailto:kristian.skalhavn@skodje.kommune.no)

For meir om den kommunale organiseringa, sjå kommunens heimeside under overskrifta

*Organisasjon* <http://www.skodje.kommune.no/organisasjon/>

Verksemda er organisert i ein flat struktur med 12 tenesteeiningar.

For meir om dei ulike kommunale tenesteområda og organisering av desse kan det visast til kommunens heimeside; <http://www.skodje.kommune.no/organisasjon/>

## Kap. 2 - Lokal samfunnsutvikling og kommunesam-ordning



*Skodjebruene er velkjende.*

- Kommuneplanlegging som politisk og administrativt styringsverktøy
- Kommuneøkonomi
- Folkehelse
- Betre oppvekst – felles innsats for barn og unge
- Interkommunalt samarbeid

### 2.1 Generelt om status, utviklingstrekk og utfordringar på fagområdet

Med utgangspunkt i viktige regionale og kommunale utviklingstrekk blir søkerlyset i det følgjande retta mot kommunen si rolle som samfunnsutviklar og som tenesteleverandør. Kommunal planlegging vil i tråd med dette vere eit viktig utviklings- og styringsverktøy – både for kommunen som samfunn og kommunen som organisasjon.

Fylkesmannen har fleire roller og oppgåver innan planlegging etter plan- og bygningslova (tbl). Ei viktig oppgåve i planprosessar er å formidle nasjonal politikk innanfor viktige fagområde, der arealpolitikk og miljøvern, landbruk, helse, oppvekst og samfunnstryggleik står sentralt. Fylkesmannen skal sjå til at nasjonale og regionale omsyn blir ivaretatt i planarbeidet, og elles også sikre at kommunale vedtak i plan- og byggesaker er i samsvar med gjeldande lovverk. Vidare har Fylkesmannen ansvar for behandling av klager på kommunale vedtak i plan- og byggesaker etter lova. Fylkesmannen har også rolle som meklar i plansaker der det ligg føre motsegn. Fylkesmannen har eit særleg ansvar for å orientere om det økonomiske opplegget for kommunesektoren og rettleie kommunane i økonomisk planlegging og forvaltning. Fylkesmannen har også ei viktig oppgåve knytt til lokal omstilling og fornying i kommunesektoren.

Dei 36 kommunane i Møre og Romsdal viser stor variasjonsbreidde i forhold til demografi og busettingsmønster, næringsliv og økonomi, natur- og ressursgrunnlag, transport og samferdsel; sosiale og kulturelle forhold osv. Fylkeskommunen har eit overordna ansvar for regionalt samarbeid, regional utvikling og regional planlegging i dialog med kommunar og andre offentlege, frivillige og private aktørar. Viktig informasjon om Møre og Romsdal er samla i *Fylkesstatistikk 2013*, og vil kunne inngå som eit viktig arbeidsverktøy for kommunane, næringslivet og andre som har behov for oppdatert statistikk i sitt arbeid. Fylkeskommunen har på bakgrunn av dette også utarbeidd ein eigen kommunestatistikk; sjå <http://mrfylke.no/Tenesteomraade/Plan-og-analyse/Statistikk-og-analyser/Kommunestatistikk>

*Regional planstrategi 2012 – 2016* gjer nærmare greie for viktige utviklingstrekk og hovudutfordringar i fylket, og inneholder oversyn over korleis dei prioriterte planoppgåvene skal følgjast opp vidare; sjå <https://mrfylke.no/Tenesteomraade/Plan-og-analyse/Regional-planlegging/Regional-planstrategi/Regional-planstrategi-2012-2016>. Eit viktig mål med planstrategiarbeidet er å avklare regionale utfordringar og moglegheiter, samt prioritere viktige område for regional samhandling og planlegging i planperioden. Planstrategien skal også ivareta nasjonale forventningar og prioriteringar. Gjennom dette vil det kunne leggast til rette eit tettare samarbeid mellom Fylkesmannen, regional statsforvaltning og fylkeskommunen om regional planlegging. Det kan også inngå som eit meir forpliktande styringsverktøy for å sjå utfordringar i fylket på tvers av kommunegrenser, forvaltningsnivå og sektorar. Vidare kan viktige satsingsområde og prioriteringar nedfelt i den regionale planstrategien vere med å opne opp for regionale tilpassingar knytt til Fylkesmannens embetsoppdrag.

Fylkeskommunen skal utarbeide regionale planar for dei spørsmåla som er fastsette i den regionale planstrategien. Regionale planar kan gjelde for heile regionen, delar av regionen eller vere tematiske. Eit planspørsmål som har verknad for fleire kommunar er i


utgangspunktet eit aktuelt tema for ein regional plan. Fylkesplanen er arena for samarbeid om langsiktig og strategisk planlegging i regionen. Med *Fylkesplan 2013-2016* <http://mrfylke.no/Tenesteomraade/Plan-og-analyse/Regional-planlegging/Fylkesplan/Fylkesplan-2013-2016> er søkerlyset retta mot 4 prioriterte satsingsområde; *Kultur, Kompetanse, Verdiskaping og Samferdsel* - og 6 gjennomgåande perspektiv; *Barn og unge, Folkehelse, Universell utforming, Likestilling og inkludering, Internasjonalisering og Miljø og klima.*

## **2.2 Kommuneplanlegging som politisk og administrativt styringsverktøy**

Den kommunale planlegginga skal etter plan- og bygningslova samordne både den fysiske, økonomiske, sosiale og kulturelle utviklinga. Kommunal planlegging er i lys av dette eit viktig verktøy for utvikling og styring både av kommunen som samfunn og kommunen som organisasjon.

### **Regional og kommunal planstrategi**

*Regional og kommunal planstrategi* er innført som nye verktøy i plan- og bygningslova (pbl 2008). I samsvar med pbl § 10-1 skal kommunane pålagt å utarbeide ein kommunal planstrategi i kvar kommunestyreperiode, og seinast eitt år etter konstituering av nytt kommunestyret. Formålet er å klargjere kva planoppgåver kommunen bør starte opp eller vidareføre for å legge til rette for ei ønska utvikling i kommunen. Fylkestinget skal i løpet av den same perioden vedta ein regional planstrategi som skal avklare dei regionale planbehova. Fylkeskommunen bør i samarbeid med kommunane her legge opp til eit opplegg som sikrar samordning. Arbeidet med den kommunale planstrategien vil også kunne rette søkelys mot ei nærmare drøfting og avklaring av behovet for interkommunalt samarbeid.



### **Nasjonale forventningar**

Viktige føringar for arbeidet med regional og kommunal planstrategi er forankra i *Nasjonale forventningar til regional og kommunal planlegging*, vedtatt av regjeringa 24.06.2011

<http://www.regjeringen.no/nb/dep/md/dok/veiledninger/2011/nasjonale-forventninger-til-regional-og-.html?id=649923> Forventningsdokumentet omfattar seks hovedtema:

- Klima og energi
- By- og tettstadutvikling
- Samferdsel og infrastruktur
- Verdiskapning og næringsutvikling
- Natur, kulturmiljø og landskap
- Helse, livskvalitet og oppvekstmiljø

Eit viktig prinsipp i den nye plan- og bygningslova (pbl 2008) er ei sterkare kopling mellom samfunnsdelen og arealdelen i kommuneplanen. Kommuneplanens samfunnsdel vil med

utgangspunkt i den kommunale planstrategien gi overordna mål og føringer for utvikling av kommunen som samfunn og organisasjon. Dette dannar utgangspunkt for arealdelen som i neste omgang gir retning og rammer for den vidare fysiske detaljplanlegginga gjennom område- eller detaljregulering.

Kommuneplanen vil også etter behov gi grunnlag for utarbeiding av kommunedelplanar for bestemte område, tema eller verksemderområde i kommunen. Kommuneplanarbeidet heng også tett saman med andre planprosessar, styringssystem og rapporteringsverktøy i kommunen. Kommuneplanen skal ha ein handlingsdel som viser korleis planen vidare skal følgjast opp i løpet av neste fire-årsperiode, eller meir, og skal gjennomgå ein årleg revisjon. Økonomiplanen etter kommunelova sin §44 kan inngå i handlingsdelen. Utfordringa for mange kommunar er å utvikle kommuneplansystemet til eit integrert og heilskapleg styringsverktøy for administrative og politiske vurderingar og prioriteringar. Arbeidet med den kommunale planstrategien vil her kunne inngå som eit viktig grep.

Gjennom arbeidet med kommunale planstrategiar ser vi også at kommunane i sterkare grad har retta søkelyset mot ei meir systematisk, tverrsektoriell og langsiktig planleggingstenking. Dette ser vi m.a. i forhold til tema som *folkehelse* og *levekår*. Med den nye Folkehelselova og med Samhandlingsreforma har kommunane m.a. fått eit større ansvar knytt til førebyggande folkehelsearbeid. Folkehelse og levekår vil slik kunne løftast opp og inngå som eit gjennomgående perspektiv i den kommunale planlegginga.

### **Fylkesmannen sine fokusområde:**

Kommunal planlegging som verktøy og rammeverk

- Kommuneplansystemet etter plan- og bygningslova
- Nasjonale og regionale føringer
- Kommunal planstrategi
- Kommuneplan med samfunnsdel og arealdel

Aktuelle temaområde for høyringsuttale frå Fylkesmannen i kommunale plansaker

- Planfaglege merknader; prosess og produkt
- Natur- og miljøvern; landskap, friluftsliv, strandsone, viltinteresser, vegetasjon
- Landbruk; jordvern, skogbruk, aktivt landbruk
- Samfunnstryggleik; ROS-analyse
- Barn og unge; Oppvekstmiljø, leikeplassar, trafikksikring
- Universell utforming; tilrettelegging, inkludering, deltaking
- Folkehelse; levekår, nærmiljø

Fylkesmannen har eit særleg ansvar for at nasjonal politikk blir formidla og følgd opp i behandling av kommunale og regionale planar

- legge auka vekt på rettleiing og tidleg medverknad i planarbeidet
- formidle tidleg og aktivt dei nasjonale forventningane og nasjonal politikk i den regionale og kommunale planlegginga

Motsegn skal om nødvendig brukast for å sikre at kommunane ikkje vedtar planar i strid med nasjonale og regionale interesser og for å få fram gode løysingar.

### ***Fylkesmannen sitt bilde av kommunen:***

Status for gjeldande overordna planar:

- Skodje kommune har utarbeidd kommunal planstrategi for 2012 – 2016. Fylkesmannen har hatt denne på høyring; jf. FM-sak 12/2087.
- Kommuneplanens samfunnsdel 2007 – 2017 vart vedtatt i juni 2007.
  - Rullering av planen er i gang; jf. FM-sak 13/7457
- Kommuneplanens arealdel 2007 – 2017 vart vedtatt i august 2007
  - Rullering av denne i etterkant av arbeidet med samfunnsdelen
- Energi- og klimaplan vart vedtatt i 2010 (samarbeid med andre kommunar, kommunane i ÅRU Ålesundsregionens utviklingsselskap: Giske, Haram, Norddal, Sandøy, Skodje, Stordal, Stranda, Sykkylven, Ørskog, Ålesund).
- Fylkesmannens planstatistikk for 2013 viser at Skodje kommune har middels aktivitet på plansida; jf. 7 reguleringsplansaker på høyring i løpet av året, samt 4 saker knytt til kommune(-del)plan. Kommunen plasserer seg høgt på statistikken for dispensasjonssøknader med til saman 24 saker på høyring; 23 knytt til søknader om dispensasjon frå kommuneplan og 1 til reguleringsplan.

#### ***Dialogpunkt***

- Korleis arbeider kommunen med oppfølging av sin planstrategi?
- Kva er status for arbeidet med kommuneplanen sin samfunnsdel?
- Kva er status for planlagt rullering av kommuneplanen sin arealdel?
- Kva er status for oppfølging av gjeldande klimaplan?
- Korleis vurderer kommunen status og utfordringar i forhold til eigen kompetanse og kapasitet på planområdet?
- Nettstaden [www.planlegging.no](http://www.planlegging.no) inneheld rettleiing for kommunane på planområdet. Nyttar kommunen nettstaden aktivt?

## 2.3 Folkehelse



*God samfunnsutvikling er ein viktig føresetnad for god folkehelse.*

Nasjonale og regionale rammer og føringer har løfta fram folkehelse som eit prioritert satsingsområde. Folkehelselova (Lov om folkehelsearbeid) definerer folkehelsearbeid som samfunnet sin innsats for å påverke faktorar som direkte eller indirekte fremmar helse og trivsel i befolkninga, førebygger psykisk og somatisk sjukdom, skade eller liding, eller som beskyttar mot helsetruslar. Dette omfattar også arbeid for ei jamnare fordeling av faktorar som direkte eller indirekte påverkar helsa.

Folkehelselova skal sikre at kommunar, fylkeskommunar og statlege helsestyresmakter set i verk tiltak og samordnar sin aktivitet i folkehelsearbeidet på ei forsvarleg måte. Lova skal legge til rette for eit langsigtig og systematisk folkehelsearbeid. Organisatorisk vil det her vere viktig at folkehelsearbeidet blir forankra i ordinære regionale og kommunale plan- og styringsdokument

Målet med folkehelsearbeidet er fleire leveår med god helse for den einskilde og reduserte sosiale helseforskjellar i befolkninga. Folkehelsearbeid omfattar ei rekke ulike tema og innsatsområde. Dette stiller krav om ei brei tverrfagleg og tverrsektoriell tilnærming.

God samfunnsutvikling er ein viktig føresetnad for god folkehelse. Ei rekke forhold i samfunnet påverkar folkehelsa, som bustad, arbeid, utdanning, samt fysiske og sosiale miljøforhold. Gjennom breidda i kommunen sine ansvarsområde spelar kommunesektoren ei sentral rolle i innsatsen for å fremme helsetilstanden i befolkninga. Kommunane og fylkeskommunane har ei viktig oppgåve for å oppfylle folkehelselova og til å nå måla i folkehelsemeldinga; jf. Meld. St. 34 (2012-2013).

Møre og Romsdal fylkeskommune har utarbeidd *Regional delplan for folkehelse 2014 – 2017*. Planen vil vere eit viktig grunnlag for det samla arbeidet med folkehelse i Møre og Romsdal i regi av og i samarbeid mellom regionale og kommunale styresmakter, institusjonar, organisasjonar og næringsliv. Planen er m.a. forankra i *Lov om folkehelsearbeid* og i *Plan- og bygningslova*. Viktige rammer og føringar for planarbeidet er elles lagt i arbeidet med *Regional planstrategi 2012 – 2016* og *Fylkesplan 2013 - 2016*. Gjennom arbeidet med ein eigen regional delplan for folkehelse, vil det systematiske og samla folkehelsearbeid i Møre og Romsdal få ei viktig forankring. For folkehelsearbeidet rundt om i kommunane vil dette utgjere ein viktig referanse.

### ***Fylkesmannen sine fokusområde:***

Folkehelsearbeid kan forankrast i fem hovudprinsipp: *utjamning, helse i alt vi gjer, berekraftig utvikling, føre-var-prinsippet og medverknad*.

- **Utjamning:** Helse er ulikt fordelt mellom sosiale grupper i befolkninga, og det er mange faktorar som bidreg til å skape og oppretthalde slike forskjellar. Samanhengande er komplekse, men vi kan slå fast at det i hovudsak er sosiale vilkår som verkar inn på helse og ikkje omvendt. Prinsippet med utjamning har konsekvensar for politikkutforming på alle nivå. Det inneber at innsatsen bør rettast inn mot faktorar som ligg bak, som verkar inn på helse og sosiale forskjellar i helse, og mot å legge til rette for at alle skal ha moglegheit til å ta gode val. Det må vere ein kombinasjon av universelle ordningar og målretta tiltak mot spesielle grupper.
- **Helse i alt vi gjer:** Erkjenninga av helse i alt vi gjer er kjernen i folkehelsearbeidet. Prinsippet skal bidra til at helsa til folket blir sikra på tvers av sektorane. Det er kommunen og ikkje helsetenesta som har ansvar. Det inneber for eksempel at utdanningssektoren, samferdselssektoren og kultursektoren og har ansvar for å vurdere og ta omsyn til kva konsekvensar endringar i politikken kan ha for helsa i befolkninga.
- **Berekraftig utvikling:** Ei berekraftig utvikling inneber å tilfredstille dagens behov utan at ein set behova til framtidige generasjonar på spel. Ei befolkning med god helse er eit mål i seg sjølv og ein av dei viktigaste ressursane i samfunnet.

- **Føre-var-prinsippet:** Føre-var-prinsippet skal leggjast til grunn når ein fastset normer og standardar for godt folkehelsearbeid. Det gjeld både tiltak for å redusere risiko og tiltak for å fremje helse. Føre-var-prinsippet er òg lovfesta gjennom folkehelselova.
- **Medverknad:** Gjennom retten til ytringsfridom er retten til medverknad nedfelt i Barnekonvensjonen, Menneskerettserklæringa og i Grunnlova. Og Folkehelselova knyt folkehelsearbeidet i kommunane til føresegne om medverknad i plan og bygningslova. På den måten bidreg folkehelselova til å rettsleg gjere kravet om medverknad. Det er og sentralt å involvere frivillige organisasjonar for å sikre medverknad i folkehelsearbeidet.

I forhold til kommunalt plan- og utviklingsarbeid vil folkehelse vere eit viktig tema. Av dette ser vi m.a. at :

- Nasjonale forventningar til regional og kommunal planlegging framhevar helse, livskvalitet og oppvekstmiljø som eit særleg satsingsområde
- Folkehelse skal inngå som grunnlag i arbeidet med kommunal planstrategi
- Planlegging etter plan- og bygningslova er ein viktig del av kommunens folkehelsearbeid
- Det skal utarbeidast oversikt over helsetilstand og dei positive og negative faktorar som verkar inn på helsetilstanden i befolkninga.

Fylkesmannen vil hausten 2014 etter oppdrag frå Statens helsetilsyn starte opp arbeidet med tilsyn med kommunane sitt folkehelsearbeid. Tema for tilsynet er retta mot kommunane sitt arbeid med å halde løpende oversikt over helsetilstanden til innbyggjarane og dei positive og negative faktorane som kan påverke denne.

Dette første landsomfattande tilsynet med kommunane sitt folkehelsearbeid har følgjande innretning:

- Lovlegkontroll: Fylkesmannen undersøkjer om kommunen har kome i gang med eit løpende oversiktsarbeid. Der Fylkesmannen konkluderer med avvik, vert kommunen følgd opp til forholda er retta.
- Rettleiande vurdering av kommunen sitt løpende oversiktsarbeid: I kommunar der Fylkesmannen konkluderer med at eit løpende oversiktsarbeid har kome i gang, skal dette arbeidet kartleggjast. Fylkesmannen gir kommunen ei tilbakemelding i form av ei rettleiande vurdering av status. Kommunane står fritt i høve til om, og i kva grad, dei følgjer opp denne vurderinga.

### **Fylkesmannen sitt bilde av kommunen:**

Folkehelseprofil for Skodje viser at talet på eldre over 80 år i 2020 er estimert til å vere lågare enn i landet som heilhet. For tema helse og sjukdom er det plager og sjukdom knytt til muskel- og skjelettsystem og som vi med høg grad av sikkerhet kan seie at kommunen ligg dårlegare an enn landet elles, vurdert etter data frå fastlege og legevakt. I tillegg viser folkehelseprofilen at personskadar og hoftebrot behandla i sjukehus er høgare enn fylket og landsgjennomsnittet, og med stor grad av sikkerhet kan vi seie at kommunen ligg dårlegare an enn landet som heilhet. Det er lite statistikk på levevanar. For tema innan levevaner, som røyking og overvekt, kan vi ikkje med sikkerhet seie om kommunen ligg dårlegare eller betre enn landsgjennomsnittet.

Fylkesmannen har i 2014 gjennomført tilsyn med folkehelsearbeidet i Skodje kommune

Kommunen er med i partnarskap for folkehelse med fylkeskommunen

Kommunen har tilsett folkehelsekoordinator

Fråfall i vidaregåande skole år 2010- 2012 (Kjelde: folkehelseprofil 2014)			
Skodje	Møre og Romsdal	Norge	
15	22	25	prosent

### **Dialogpunkt**

- Korleis kan Fylkesmannen vere ein viktig medspelar i det kommunale folkehelsearbeidet?
- Korleis arbeider Skodje kommune med identifisering og oversikt av helsetilstand i kommunen?
- Kva mål og strategiar har Skodje kommune for folkehelsearbeidet?

## 2.4 Betre oppvekst – felles innsats for barn og unge



Tilrettelegging av gode oppvekst- og nærmiljø, og med særleg sokelys retta mot barn og unge sine interesser, skal inngå som eit viktig tema i samfunnsplanlegginga – både nasjonalt, regionalt og lokalt. Vi har sidan 1989 hatt eigne rikspolitiske retningslinjer for å styrke barn og unge sine interesser i planlegginga. Omsynet til barn og unge sine oppvekstvilkår er også løfta fram i formålsparagrafen i plan- og bygningslova (§1-1).

Korleis det er der barn veks opp er, kan avgjere den enkelte sine muligheter for ein trygg oppvekst, motorisk utvikling og ei god helse. Det vil og ha innverknad på det vaksne livet. Å skape gode møtestader, mulighet for fantasibasert leik, samvær og fysisk utfalding er ei av dei viktigaste oppgåvene samfunnet har. Gode fellesskapsløysingar er eit godt utgangspunkt for et inkluderande oppvekstmiljø.

I FN sin barnekonvensjon heiter det at "barn har rett til å seie si sin mening i alt som vedrører det og barnets meninger skal tillegges vekt" For at FNs barnekonvensjon vert følgd opp i praksis, må samfunnet legge til rette for deira deltaking og medverknad.

### *Fylkesmannen sine fokusområde:*

Fylkesmannen i Møre og Romsdal har for perioden 2013 – 2016 sett barn og unge på dagsorden gjennom ei særskild satsing på tvers av fagavdelingane. Denne satsinga , kalla «Betre oppvekst» rettar sokelys på barn og unge sine oppvekstvilkår i Møre og Romsdal. Med barn og unge meiner vi alle mellom 0 og 20 år.


Hovudmål for satsinga er at barn og unge sine oppvekstvilkår skal bli vurdert i alle avgjersler og i all aktivitet hos Fylkesmannen i Møre og Romsdal. «Betre oppvekst» er eit samordningstiltak for heile embetet og ein vil at satsinga skal føre til at både direkte og indirekte arbeidet retta mot denne gruppa skal blir meir heilskapleg og målretta. I første fase har arbeidet vore retta internt i embetet. I neste fase vil arbeidet i større grad rette seg mot arbeid eksternt, til dømes kommunar, fylkeskommunen og andre samarbeidspartar.

Det er utarbeidd fire strategimål som satsinga «Betre oppvekst» skal bygge vidare på. For å kome fram til dei fire strategimåla har vi tatt utgangspunkt i mellom anna FN sin barnekonvensjon, Fylkesmannen i Møre og Romsdal sin strategiplan, embetsoppdraget og nasjonale føringer frå fleire departement. Dei fire måla er:

Fylkesmannen i Møre og Romsdal skal arbeide for å

- sikre medverknad frå barn og unge
- betre det fysiske oppvekstmiljøet for barn og unge
- betre det psykososiale oppvekstmiljøet for barn og unge
- redusere dei negative konsekvensane av sosiale skilnader

### ***Fylkesmannen sitt bilde av kommunen:***



På kommunen sine nettsider finn vi fleire kommunedelplanar go temaplanar retta mot barn og unge sine oppvekstkår; sjå <http://www.skodje.kommune.no/fil.asp?Mld1=311&Filkategorild=17> Kommunen har m.a. ein eigen barne og ungdomsplan for perioden 2009-2011. I den kommunale planstrategien vart det skissert oppstart med rullering av barne- og ungdomsplanen i 2013. I kommuneplan Skodje 2007-2017 skriv kommunen at dei vil opprette eit ungdomsråd og at dei «skal legge særskilt vekt på å tilretteleggje for aktivitetar som gjeld barn og unge». Kommunen er no i gang med rullering av kommuneplanens samfunnsdel. Barn og unge er her peika ut eitt av sju hovudtema for kommuneplanarbeidet.

«Ungdata» er ei spørjeskjemaundersøking blant elevar på ungdomstrinnet og i vidaregåande opplæring som kommunane kan bestille gratis

gjennom KoRus. Ei slik kartlegging av den lokale oppvekstsituasjonen gir eit godt grunnlag for kommunalt plan- og utviklingsarbeid knytt til folkehelse og førebyggande arbeid overfor ungdom. Skodje kommune har gjennomført «Ungdata»- kartlegging. Kommunen ligg på landsgjennomsnittet på dei fleste områder. Dei skil seg ut på spørsmål knytt til om dei trur dei blir arbeidsledige. Langt færre trur dei blir det i Skodje enn elles i landet. «Ungdata» viser også at ungdomen i kommunen ligg litt lågare på spørsmål knytt til bruk av rusmidlar, snus og om dei kan skaffe hasj.

Fattigdom er ei aukande problemstilling for mange barn. Folkehelsestatistikken viser at Skodje kommune plasserer seg positivt på dei fleste indikatorar på dette området. Talet på barn og unge

som bur i husstandar med låg inntekt er lågare enn landsnivået. (Låginntekt er her definert som under 60 % av nasjonal medianinntekt) Likeeins er talet på barn med einsleg forsørgjar lågare enn landsnivået og innvandrarpopulasjonen ligg på landsgjennomsnittet. Begge desse gruppene er statistisk sårbar for barnefattigdom og med det sosiale skilnader. Gjennomføring i vidaregåande skole er og eit element som skaper sosiale skilnader. Også her scorar Skodje bra. Fråfall i vidaregåande skole er lågare enn elles i landet og tiandeklassingane trivst betre på skolen enn gjennomsnittet.

Folketalsdata viser stor auke i den yngre delen av befolkninga. Kommuneplanen peikar på at eit mangfaldig samfunn er ei viktig målsetting for kommunen. Minoritetsbarn og ungdom er ei gruppe som i stor grad er sårbar for ei negativ utvikling i samband med sosiale skilnader og fattigdom. Kommunen må vere merksam på mulighetene for ei slik negativ utvikling for denne gruppa, når barne/unge-populasjonen aukar.

#### **Dialogpunkt**

- Korleis har Skodje kommune lagt til rette for barn og unge sin medverknad i kommunen sin politikk og i planarbeidet?
- Kva slags strategiar har kommunen for å fange opp og inkludere sårbare barn, unge og barnefamiliar med sosioøkonomiske vanskar eller minoritetsbakgrunn, som kan stå i fare for å falle utanfor i lokalsamfunnet?

## 2.5 Kommuneøkonomi og økonomistyring



*Skodje har ikke inntekter fra eigedomsskatt.*

Fylkesmannen skal gi kommunane råd og rettleiing i økonomiforvaltninga, blant anna i regelverk, inntektssystem og statsbudsjettet. Fylkesmannen tildeler kvart år skjønnsmidlar for å kompensere forhold som ikkje blir fanga opp i inntektssystemet. Fylkesmannen tildeler også skjønnsmidlar til omstillings- og fornyingsprosjekt. Fylkesmannen fører kontroll med kommunen sine budsjett, økonomiplan og regnskap, blant anna med omsyn til inn- og utmelding av ROBEK.

*Fylkesmannen sine fokusområde:*

**Økonomisk status:**

- Overskot/Underskot
- Brutto driftsresultat
- Finans og lånegjeld
- Netto driftsresultat og økonomisk buffer

## **Fylkesmannen sitt bilde av kommunen:**

### **Overskot/Underskot:**

- Rekneskapen for 2013 viste at Skodje kommune hadde eit rekneskapsmessig mindreforbruk på vel 0,1 mill. kr.

### **Driftsresultat:**

- Skodje kommune har dei siste åra hatt slik utvikling i brutto driftsresultat i pst av brutto driftsinntekter: -0,3 pst i 2011, 1,0 pst i 2012 og 2,1 pst 2013. Gjennomsnittet for fylket var på 2,4 pst i 2013.

### **Finans og lånegjeld:**

- Netto lånegjeld i pst av brutto driftsinntekter har hatt ein gradvis nedgang dei siste tre åra, men ligg likevel 9,9 pst høgare enn snittet til Noreg utan Oslo. I 2013 utgjorde netto lånegjeld 85,8 pst. Til samanlikning ligg snittet for Noreg utan Oslo på 75,9 pst i 2013.
- Skodje kommune sine renter og avdrag utgjorde 5,5 pst av brutto driftsinntekter i 2013.
- Brutto investeringsutgift utgjorde 14,8 pst (46,2 mill.) av brutto driftsinntekter i 2013.
- Alle kommunar skal i kvar kommunestyreperiode vedta eit nytt finansreglement. Skodje kommune har rapportert at det er planlagt å vedta nytt finansreglement før sommaren 2013.

### **Netto driftsresultat og økonomiske bufferar:**

- Det er anbefalt at netto driftsresultat er på minst 3 pst av brutto driftsinntekt over tid for at kommunen si formue skal oppretthaldast. Netto driftsresultat er hovudindikatoren for handlingsrommet til kommunen. I 2013 hadde Skodje kommune eit netto driftsresultat på 0,1 pst. (1,3 pst i 2012 og -2,4 pst i 2011).
- Skodje kommune har oppsparte midlar på disposisjonsfond og i 2013 var dette på 35,4 mill. kr, eller 11,4 pst av brutto driftsinntekter (snittet for Noreg utan Oslo ligg på 6,2 pst i 2013).
- Skodje kommune har ikkje inntekter frå eigedomsskatt i 2013.

#### **Dialogpunkt**

- Har Skodje kommune laga ein langsiktig strategi/mål til dømes for investeringane, lånegjeld og netto driftsresultat?
- Korleis opplever kommunen utviklinga av det økonomiske handlingsrommet i åra framover?

## 2.6 Kommunereforma

Stortinget gjorde 18. juni 2014 vedtak om å gjennomføre ei kommunereform i hele landet. Det er brei politisk tilslutning om behov for endringar i kommunestrukturen. Stortinget er samd i måla for reforma og at prosessen skal starte opp no i haust. Eit stort fleirtal er også einige om dei verkemidla som vert lagt inn.

Fylkesmannen vart gjennom eit eige oppdragsbrev frå Kommunal- og moderniseringsdepartementet den 24.06.2014 bedd om å ta ei sentral rolle i gjennomføringa av reforma. Fylkesmannen har god kunnskap om kva for utfordringar fylket har og også om den einskilde kommune sin situasjon. I etterkant av dette har kommunalministeren i brev av 26.08.2014 sendt invitasjon til ordførarane i alle landets kommunar om å delta i reformprosessen.

Det er eit mål å sørge for gode og lokalt forankra prosessar, og Fylkesmannen skal vere tilretteleggar og koordinator i dei prosessane som skal køyrast gjennom lokalt/regionalt: «*Fylkesmannens oppgåve er å vurdere heilskapen i regionen, samt sjå til at dei i gangsette prosessane vert avslutta innan våren 2016.*»

### Felles oppstart i Møre og Romsdal:

Det vart arrangert ein felles oppstartskonferanse for kommunereforma i Møre og Romsdal 17.september 2014. Målet var å få til ein felles oppstart med brei politisk og administrativ deltaking frå alle 36 kommunane i Møre og Romsdal.

Alle kommunane har i samband med kommunereforma fått eit utgreiingsansvar. Det betyr at alle kommunane skal gå gjennom prosessen med å diskutere og vurdere samanslåing, samt gjere vedtak innan våren 2016.

### Hovudmåla i reforma:


1. Eit sterkt lokaldemokrati
2. At kommunar slår seg saman til større, robuste einingar som samsvarar betre med dei naturlege bu- og arbeidsmarknadsregionane som har utvikla seg over tid.
3. Generalistkommunen tilbake! Alle kommunar skal kunne løyse sine lovpålagde oppgåver sjølve. Gode og likeverdige tenester. Berekraftige kommunar.
4. Mindre behov for interkommunale løysingar og statleg detaljstyring. Heilskapleg og samordna samfunnsutvikling.

## Bo- og arbeidsmarkedsregioner

(kfr. NIBR-rapport 2013:1)



## Den nasjonale framdriftsplanen for kommunereforma



### **Fylkesmannen sitt bilde av kommunen:**

- Skodje kommune er medlem i Sunnmøre regionråd. Sunnmøre regionråd IKS (SR) er regionråd og samarbeidsorgan for 19 kommunar på Sunnmøre og i Romsdal. Sunnmøre regionråd er organisert som interkommunalt selskap (IKS).

### **Dialogpunkt**

- Kor langt har Skodje kommune kome i arbeidet med å starte opp og forankre prosessen med kommunereforma ?
- Når Skodje kommune våren 2016 skal sjå to år tilbake på ein lokalt godt forankra prosess. Kva for tiltak og aktivitetar har vore gjennomført då ?

## Kap. 3 – Justis- og beredskap

- Generelt om status, utviklingstrekk og utfordringar på fagområdet
- Samfunnstryggleik og beredskap
- Klagesaker etter plan- og bygningslova
- Verjemål

### 3.1 Generelt om status, utviklingstrekk og utfordringar på fagområdet

Fylkesmannen er det sentrale samordningsorganet overfor kommunane på regionalt nivå. Fylkesmannen har ansvar for å medverke med kunnskap om bruk av lover og gi rettleiing om generell saksbehandling i kommunane. I Fylkesmannen si formidling av statleg politikk overfor kommunane skal det gjerast nærmere greie for om oppgåvene er lovpålagde eller om dei er av rådgivande eller rettleiande karakter.

### 3.2 Samfunnstryggleik og beredskap



Fylkesberedskapssjef Ketil Matvik Foldal

Kommunane har eit generelt og grunnleggande ansvar for å ivareta tryggleiken til eigne innbyggjarar og andre som oppheld seg i kommunen. Alle uønskte hendingar skjer i ein kommune, og kommunane har ei vesentleg rolle i alt beredskapsarbeid.

## **Fylkesmannen sine fokusområde:**

Kriser og katastrofar gir lokalsamfunnet utfordringar, og mange oppgåver er lagde til kommunane. Kommunane skal sikre god oversikt over risiko og sårbarheit, vere drivkraft for godt førebyggande arbeid og ha nødvendig beredskap og handteringsevne. Under kriser og katastrofar skal kommunen iverksette tiltak for å verne innbyggjarane og oppretthalde viktige samfunnsfunksjonar. God kommunal beredskap er ein grunnleggande føresetnad for god nasjonal beredskap.

I 2014 er Fylkesmannen særleg oppteken av at kommunane følgjer opp krava gitt i *Sivilbeskyttelseslova (2010)* og *Forskrift om kommunal beredskapsplikt (2011)*. For kommunar som ikkje har utarbeidd heilskapleg risiko- og sårbarheitsanalyse i samsvar med nye krav, bør dette arbeidet ha høgst prioritet.

## **Fylkesmannen sitt bilde av kommunen:**

Fylkesmannen har ikkje ført tilsyn med kommunen sitt beredskapsarbeid sidan 2004, og vi har derfor ikkje eit oppdatert og systematisk bilde av status. Fylkesmannen opplever likevel å ha god dialog med kommunen. Kommunen deltek på faglege møteplassar og under krisehandteringsøvingar.


Fylkesmannen starta i 2013 ein ny runde med tilsyn med kommunane sitt beredskapsarbeid. Det er avtalt tilsyn med Skodje kommune i desember 2014.

### **Dialogpunkt**

- Kva er status for kommunen sitt arbeid med heilskapleg risiko- og sårbarheitsanalyse?

### 3.3 Klagesaker etter plan- og bygningslova

Kommunane er plan- og bygningsstyresmakt, og fattar vedtak både om godkjenning av reguleringsplan og byggesøknader. Dette inneber at kommunane både skal styre arealbruken i eit lengre perspektiv, og ta stilling til enkeltsøknader om bygging.



Søknader om tiltak i strid med lov eller arealplan, er avhengig av dispensasjon. Plan- og bygningslova er ei «ja-lov». Dette inneber at ein må ha lovheimel for å avslå ein søknad.

Fylkesmannen er klageinstans for kommunane sine vedtak etter plan- og bygningslova. I klagebehandlinga er det fleire omsyn som skal vurderast. Omsynet til det kommunale sjølvstyret må vegast opp mot behovet for statlig styring. I tillegg må Fylkesmannen passe på rettstryggleiken både til naboor og tiltakshavar. For Fylkesmannen si klagebehandling er det viktig at saka er godt førebudd i kommunen, og at kommunen si grunngjeving går fram av vedtaket. Kommunen si vurdering av dei viktigaste rettsspørsmåla, er eit viktig grunnlag for Fylkesmannen si avgjerd av klagan.

#### *Fylkesmannen sine fokusområde:*

Fylkesmannen har ei tid hatt fokus på temaet ulovleg bygging. Dette er eit tema som vi ser får ulik merksemd ute i kommunane. Skal ein oppnå ønska respekt for regelverket, og kommunen si rolle som bygningsstyresmakt, er det viktig å ha høg merksemd på dette temaet. At kommunane har system for å avdekke og reagere på ulovleg bygging er sentralt i tilnærminga er derfor viktig for den allmenne tilliten til byggesaksprosessen. Fylkesmannen har også fokus på barn- og unge sitt oppvekstmiljø, og at kommunene tek omsyn til desse interessen i si saksbehandling. Tilgjenge for alle (universell utforming) er også eit område som skal takast i vare i saksbehandlinga etter plan- og bygningslova.

#### *Fylkesmannen sitt bilde av kommunen:*

Fylkesmannen har motteke 17 klager på byggesak frå Skodje kommune i tidsrommet 2010 til d.d. Av desse sakene er 12 stadfesta av Fylkesmannen. I fem av sakene er klagen tatt til følge og kommunens vedtak vart endra eller oppheva. Der klager er tatt til følge er dette i det vesentlege på grunn av feil rettsbruk, men også på grunn av manglande grunngjeving. Fylkesmannen har per i dag tre byggesaker frå kommunen til handsaming.

I same tidsperiode har Fylkesmannen handsama to klager på reguleringsplan frå Skodje kommune. I ei av desse sakene stadfesta Fylkesmannen kommunen sitt vedtak, medan den andre saka førte til oppheving av kommunen sitt vedtak med bakgrunn i at vedtaket ikkje var

tilstrekkeleg grunngjeve. Vi har per i dag ei klage på reguleringsplan frå kommunen til handsaming.


#### ***Dialogpunkt***

- Kva for rutinar har kommunen for behandling av saker etter plan- og bygningslova?
- Kva for tilnærming har kommunen til å avdekke og reagere på ulovleg bygging etter plan og bygningslova ?

### **3.4 Vergemål**

Ny vergemålslov blei vedtatt 11. mars 2010 og skal ivareta betre rettstryggleik og integritet for personar under vergemål. Lova gir Norge eit nytt regelverk på vergemålsområdet. Den nye vergemålslova vart sett i verk frå 1. juli 2013, saman med tilhøyrande forskrift og tilknytt endringar i andre lover. Etter den nye lova fungerer Fylkesmannen som lokal vergemålsmyndighet.

## Kap. 4 - Miljøvern og arealforvaltning



- Generelt om status, utviklingstrekk og utfordringar på fagområdet
- Forvaltning av arealressursane gjennom kommunal arealplanlegging
- Naturvern
- Forureining

Denne delen omhandlar Fylkesmannen sitt inntrykk av status og utfordringar for kommunen knytt til forvaltning av areal- og naturressursane i kommunen. Dette omfattar også oppgåver knytt til kommunal arealplanlegging etter plan- og bygningslova.

### **4.1 Generelt om status, utviklingstrekk og utfordringar på fagområdet**

Fylkesmannen skal medverke til gjennomføring av den nasjonale miljøvernpolitikken. Arbeidet er forankra i lover, forskrifter og retningsliner. Miljøverndepartementet og Miljødirektoratet er oppdragsgjevarar i dette arbeidet.

Kommunane står sentralt i miljøvernarbeidet. Rettleiing og oppfølging av kommunane er ei viktig oppgåve for Fylkesmannen. Vi samarbeider også nært med andre statlege styresmakter, fylkeskommunen og frivillige organisasjonar.

Fylkesmannen har ei viktig rolle for å medverke til ei berekraftig utvikling gjennom si oppgåve med å samordne ei rekke samfunnssektorar på regionalt nivå. Fylkesmannen har eit overordna miljøansvar, samtidig med eit eige resultatansvar på forureinings-, naturforvaltnings- og planområdet.

## **4.2 Forvaltning av arealressursane gjennom kommunal arealplanlegging**

Fylkesmannen har eit særleg ansvar for at nasjonal politikk blir formidla og følgd opp i behandling av kommunale og regionale planar. Fylkesmannens oppgåver ved regional- og kommunal planlegging er sentrale verkemiddel for å gjennomføre regjeringa sin miljøpolitikk på ei rekke område. Det er lagt opp til ei tett kopling til overordna kommuneplanlegging (jf. nærmere omtale av dette i kap. 2.2)

### ***Fylkesmannen sine fokusområde:***

- Kommuneplansystemet etter plan- og bygningslova må brukast som eit aktivt styringsverktøy
- Kommunal planstrategi og Kommuneplan (samfunnsdel og arealdel) vil etter dette legge viktige føringar for vidare arbeid med områderegulering og detaljregulering
- På området Natur- og miljøvern vil søkerlyset m.a. vere knytt til tema som landskap, friluftsliv, strandsone, viltinteresser, vegetasjon.

### ***Fylkesmannen sitt bilde av kommunen:***

- Kommunen sine arealutfordringar knyter seg m.a. til :
  - Digerneset næringsområde
  - Framtidig utbyggingsmønster
  - Strandsonepolitikk, byggeforbod i 100-metersbeltet og fri ferdsel langs sjøen
  - Nauststorleik og utforming
  - Føringar og praksis for tiltak i sæterområde

### **Dialogpunkt**

- Fylkesmannen vil vere ein viktig medspelar i kommunale planprosessar og ønskjer tett dialog om kommunen sine arealutfordringar.

## **4.3 Naturvern**

Naturvern har som mål å sikre truga artar og naturtypar, og å ta vare på eit representativt utsnitt av norsk natur for ettertida. Det er Stortinget og regjeringa som legg rammene for dette arbeidet.



### **Fylkesmannen sine fokusområde:**

Nasjonalparkar, naturreservat og andre verneområde vert oppretta av Kongen i statsråd etter ein prosess, der grunneigarar, kommunar, fylkeskommunar, lokale og sentrale etatar og nærings- og interesseorganisasjonar får høve til å uttale seg. Fylkesmannen har ansvaret for prosessen i fylka, medan Miljødirektoratet har ansvaret for den sentrale prosessen. Heimelen til å opprette nye verneområde ligg i naturmangfaldlova.

### **Fylkesmannen sitt bilde av kommunen:**

Det er fem naturreservat som heilt eller delvis ligg i Skodje kommune:

- Liafjellet naturreservat (barskog)
- Skinstadreset naturreservat (barlind)
- Straumsdalen naturreservat (barlind)
- Ørnakken naturreservat (barskog)
- Solnørvika naturreservat (elveos)

Utfordringane i skogreservata i Skodje er gjengroing og spreiling av framande treslag som gran og platanlønn. Barlindførekomstane er i tilbakegang, og det er problem med forynging pga. sterk vinterbeiting av hjort. Tilstanden i Solnørsvika er god.

Det finst meir informasjon om verneområda på [www.naturbase.no](http://www.naturbase.no).

#### **Dialogpunkt**

- Fylkesmannen og kommunen kan samarbeide om skjøtselstiltak for å ta ut framande treslag og hindre gjengroing i naturreservata i Skodje ved koordinert verkemiddelbruk (landbruksmidlar og skjøtselsmidlar for verneområde).
- Fylkesmannen og kommunen kan samarbeide om fjerning av framande planteartar som spreier seg i andre stader i Skodje kommune. Også andre etatar kan trekkast inn i eit slikt samarbeid.

## **4.4 Forureining**

Fylkesmannen er forureiningsstyremakt for

- landbasert industri, med unntak av dei verksemndene som Miljødirektoratet er forureiningsstyremakt for
- alle avfallsanlegg, med unntak av behandlingsanlegg for farlig avfall og anlegg for opphogging av utrangerte offshoreinstallasjonar. Fylkesmannen skal også hente inn avfallsplanar frå hamner og drive tilsyn med dei
- lokalitetar med forureina grunn som kan knytast til verksemder og bransjar som er omfatta av delegerte saksområde.
- utslepp av kommunalt avløpsvatn frå større tettbebyggelse



Fylkesmannen kan gi løyve til verksemd som fører til forureining. Når Fylkesmannen gir slike løyve, må verksemda sikre tiltak for å minske ulempa for miljøet og andre.

## **Fylkesmannen sine fokusområde:**

Kommunane har mykje mynde og mange plikter etter forureiningsregelverket.

### **Avløp:**

Kommunen har ei rekke roller innan avløp, både som anleggseigar, forureinar og styresmakt. God kontroll med avløpsvatn er viktig for å hindre sjukdomsspreiing og overgjødsling. Avløpskontroll er i tillegg med på å sikre godt drikkevann, unngå forureining av jordvatningsanlegg, og gi gode mogleigheter for rekreasjon som fiske og bading. Det er viktig med oppdaterte kommunale avløpsplanar, som òg inkluderer behandling av overvatn.

For verksemder der Fylkesmannen er *forureiningsstyremakt* er det viktig med god dialog mellom Fylkesmannen og kommunen i samband med påslepp av prosessvatn til kommunalt avløpsanlegg.

### **Forureina grunn:**

Kommunen er forureiningsstyremakt når det gjeld opprydding i forureina grunn i samband med bygge- og gravearbeid, jf. kapittel 2 i *Forurensningsforskrifta*. Kommunen skal legge inn data frå bygge- og gravesaker i databasen *Grunnforurensning*. Fylkesmannen skal gi rettleiing og vere ein pådrivar for at kommunen rapporterer i databasen.

Databasen Grunnforureining viser eigedomar der det er registrert forureining i grunnen, eller ein har grunn til å mistenke forureining i grunnen. Kommunen har plikt til å registrere opplysningar i denne databasen, og skal rapportere elektronisk rett i databasen.

Mistanke om forureina grunn må hensyntakast ved behov for terrengeinngrep i grunnen. Eit terrengeinngrep i forureina grunn aukar risikoen for at menneske blir eksponert for forureining. Inngrepet aukar òg risikoen for at ureininga spreier seg i miljøet. Dersom det ikkje vert rydda i forureininga før det vert bygd og fylt ut på ei tomt, kan det vere mykje vanskelegare å rydde opp på tomta seinare.

### **Avfall - forsøpling:**

Kommunen er forureiningsstyremakt for oppfølging av forsøplingssaker og saker om ulovlig lagring av brukte gjenstandar.

Dersom kommunen mottar meldingar, munnleg eller skriftleg, der nokon ber kommunen følgje opp ein forsøplingssak og kommunen vel å ikkje følgje opp saka, er denne slutninga å betrakte som eit enkeltvedtak som kan påklagast. Dette følgjer av forurensningslova § 37 tredje ledd om pålegg om å rydde opp i avfall og liknande eller betale for opprydding.

Gode system for avfallshandtering er viktig for å hindre at avfall blir skjemmande, medfører helse- eller luktproblem eller andre forureiningsulemper. Avfall kan innehalde mykje miljøgifter som kan spreias i naturen og som konsentreras opp i næringskjedene om avfallet

kjem på avvege eller blir brent utan kontroll. Avfall på avvege kan også føre til skadar på dyr som ferdas i naturen.

### **Fylkesmannen sitt bilde av kommunen:**

#### **Avløp:**

Kommunen bør prioritere å jobbe med avløp, både som anleggseigar, forureinar og som forureiningsmyndighet. Det er ikkje lovleg med direkte utslepp av avløpsvatn.

Fylkesmannen vil elles rå kommunen til å delta på aktuelle seminar i regi av *Norsk Vann* og driftsassistansen i Møre og Romsdal

#### **Forureina grunn:**

Det er viktig at kommunen har oversikt over område med, eller med mistanke om, forureina grunn. Databasen «*Grunnforurensning*» (<http://grunn.klif.no/>) er eit viktig hjelpemiddel i dette arbeidet.

I Skodje kommune er det registrert tre lokalitetar i databasen. Ingen av desse er registrert av kommunen. Vi reknar det som sannsynleg at det finns fleire stadar med mistanke om grunnforureining i kommunen. Gamle bålplassar og nedgravd avfall er døme på slike stader som bør registrerast hos kommunen. Kommunen har plikt til å ha oversikt øver områder som kan være forureina og kan ikkje gje byggeløyve for graving på slike stadar før saka er handsama etter kapittel 2 i forureiningslova.

#### **Avfall-forsøpling:**

Kommunen er myndighet i forsøplingssaker. Det er mykje hjelp å hente i saksbehandlingsverktyet [www.miljokommune.no](http://www.miljokommune.no) på dette området. Forureiningsgruppa ved Fylkesmannens miljøvernavdeling kan i tillegg vere med å rettleie kommunen, og vi vil at grensa for å ta kontakt med oss skal vere låg.


Fylkesmannen sende informasjon om avfallsmassar i brev av 08.01.2014 til alle kommunane i Møre og Romsdal. Her vart det forklart kva som er lovleg handtering av avfallsmassar som forureina jord, gateoppsop osv. Ulovlege tipp-plassar er eit problem i Skodje. Det kan bli svært kostbart å rydde opp på slike plasser. Dess lengre dette får fortsette, dess verre blir det. (Eks. på tipp-plasser er ved gnr. 14 bnr. 3 og ved gnr. 14 bnr. 4).

Fylkesmannen vil rå kommunen til å delta på seminar i regi av Avfallsforum Møre og Romsdal.

### **Dialogpunkt**

- Har kommunen oversikt over sine plikter som forureiningsmyndighet, og har kommunen nok ressursar til å utøve den?
- Nettstaden [www.miljokommune.no](http://www.miljokommune.no) inneholder rettleiing for kommunen på miljøområdet. Nyttar kommunen nettstaden aktivt?
- Treng kommunen bistand for å få bukt med ulovlege tipp-plassar?

## Kap. 5 – Landbruk



*Landbruksnæringa er ei viktig næring i Skodje.*

- Generelt om status, utviklingstrekk og utfordringar på fagområdet
- Landbruk og bygdeutvikling
- Forvaltningsoppgåver på landbruksområdet

Fylkesmannen har ansvar for oppfølging av nasjonal landbruks- og matpolitikk både regionalt og lokalt, og har både utviklings- og forvaltningsoppgåver på landbruks- og matområdet. Fylkesmannen skal skape møteplassar for erfaringsutveksling og formidling av forventningar mellom Fylkesmannen, fylkeskommunen, Innovasjon Norge, kommunane og andre aktuelle regionale aktørar.

Fylkesmannen er eit kompetansesenter generelt og for kommunane spesielt. Vidareutvikling og styrking av kommunane si rolle som landbrukspolitisk aktør og som pådrivar innan landbruksrelatert klimaarbeid og nærings- og samfunnsutvikling er sentrale område. Gjennom oppfølging, rettleiing og kompetanseheving skal Fylkesmannen også bidra til at kommunane har god forvaltningspraksis på landbruks- og matområdet.

Fylkesmannen sine forvaltningsoppgåver knyter seg til økonomiske og juridiske virkemidlar innan jordbruk og skogbruk. Fylkesmannen har det regionale ansvaret for at tilskot på landbruksområdet vert forvalta og kontrollert i samsvar med overordna føresetnader og i høve til gjeldande lover og reglar.

Fylkesmannen samarbeider med ei rekke andre organisasjonar, fylkeskommunen og kommunane. Næringsutvikling med basis i jordbruk, skogbruk og tilknytte næringer er sentrale samarbeidsområde. Fylkesmannen i Møre og Romsdal samarbeider med Møre og Romsdal fylkeskommune, Innovasjon Norge og kommunane om hoppid.no – ei felles satsing på entreprenørskap.

Kommunane er vedtaksmyndigkeit knytt til juridiske og økonomiske virkemidlar, og innstillande myndigkeit knytt til bygdeutviklingsmidlane.

## 5.1 Generelt om status, utviklingstrekk og utfordringar på fagområdet

### *Fylkesmannen sine fokusområde:*

Landbruksmelding for Møre og Romsdal vart vedteke i fylkestinget den 12.12.2012. Her vert det peika på fem viktige utfordringar for landbruket i Møre og Romsdal:

- Utvikle grovförproduksjonane
- Halde landbruksareala i hevd
- Stimulere produksjonsmiljø og kvalitet
- Auke rekruttering, bygge kompetanse
- Styrke variert verdiskaping



*Ein god gjetarhund er ein effektiv hjelpar i sauehaldet. Her frå trening av sauehund på Opskar. Foto: Arnold Hoddevik*

## **Fylkesmannen sitt bilde av kommunen:**

Landbruksnæringa er ei viktig næring i Skodje. Landbruket i kommunen er under press, og tala viser ei kraftig effektivisering i næringa. Analyser frå NILF viser at det er i 2010 var 9,9 årsverk direkte knytt til primærproduksjonen. Kulturlandskapet i Skodje har viktige og populære område for aktivitet og rekreasjon for eit større omland.

Mjølkeproduksjonen er den økonomisk viktigaste produksjonen, men der er også ein del andre storfe i kommunen og litt sauehald. Sidan 2000 har tal mjølkeprodusentar gått ned frå 19 i januar 2000 til 3 i januar 2014. Sjølv om deltakarane i samdrift blir rekna med, er tilbakegangen svært stor. Talet på mjøkekryr har også gått ned, og buskapane er langt større i dag enn tidlegare. Mjølkeproduksjonen var med 1,5 mill liter på sitt høgste i 2005, minka så mot 2011, og har etter det vore stabil. Mjøkebøndene i Skodje har nesten kvart år kjøpt kvote frå både staten og private, men talet på kjøparar har blitt redusert i takt med færre produsentar. Denne satsinga vitnar om optimisme og tru på framtida.

### **Utvikling i mjølkeproduksjonen i Skodje**

Tekst	2000	2003	2011	2013	2014
Tal mjølkeprodusentar	19	14	5	4	3
Tal mjøkekryr	290	242	187	162	151
Produksjon (mill. liter)	1,3		1,2	1,2	
Buskap, storleik i Skodje	15,3	17,3	37,4	40,5	50,3
Buskap, storleik i Møre og Romsdal	14				24,7

*Kjelde: Landbruksdirektoratet*

### **Oversikt over andre produksjonar**

Tekst	2003		2013	
	Tal føretak	Dekar	Tal føretak	Dekar
Grovfôr	30	5054	17	3665

*Det er ingen andre produksjonar enn gras i Skodje. Nesten 1400 dekar har gått ut av produksjon.*


*Kjelde: Landbruksdirektoratet*

Ved sida av storfe er det også om lag 5 sauehaldarar med i alt 172 vaksne sauar, og tal storfe for kjøtproduksjon er om lag 434.


Landbruket i kommunen har dei same utfordringane som fylket elles, lav lønsemd, store strukturendringar og stort investeringsbehov. Landbruket har også utfordringar med rekrutteringa. Mykje leigejord og meir transport er eit aukande problem.



Søknader om produksjonstilskot per 1. januar. Kjelde: Landbruksdirektoratet



Mindre nedgang i tal føretak frå 2011. Kvart føretak dreiv meir enn dobbelt så mykje jord i 2013 som i 2000, Kjelde: Landbruksdirektoratet



Vesentleg større del av jord i drift er no leigd jord, også i Skodje, i 2013 heile 68 % mot 44 % i 2000. Kjelde: Landbruksdirektoratet

	Jordbruksareal	Tal føretak 2013	Tal mjølkekyr	Mjølkekvote 2013	Avverking snitt siste 3 år m³	NMSK snitt siste 3 år	Tilskot skogsveg snitt siste 3 år kr	Omdisp dyrka jord 2007-2012 da
<b>1502 MOLDE</b>	12 399	62	442	2 652 000	6 063	118 034	183 761	213
<b>1502 KRISTIANSUND</b>	2 930	14	39	234 000	191	560	13 333	33
<b>1504 ÅLESUND</b>	1 718	20	49	294 000	80	19 692	0	291
<b>1511 VANYLVEN</b>	22 549	122	600	3 600 000	3 741	7 285	36 000	27
<b>1514 SANDE</b>	5 588	31	121	726 000	152	1 320	0	84
<b>1515 HERØY</b>	5 115	58	43	258 000	44	0	0	4
<b>1516 ULSTEIN</b>	4 408	29	136	816 000	723	0	5 500	81
<b>1517 HAREID</b>	3 347	20	85	510 000	1 820	0	0	2
<b>1519 VOLDA</b>	15 749	107	592	3 552 000	8 902	36 432	121 452	501
<b>1520 ØRSTA</b>	34 672	187	1326	7 956 000	31 340	55 810	1 804 968	721
<b>1523 ØRSKOG</b>	4 462	34	189	1 134 000	249	9 620	51 051	52
<b>1524 NORDDAL</b>	11 361	96	373	2 238 000	4 356	4 733	75 833	80
<b>1525 STRANDA</b>	14 778	98	681	4 086 000	6 331	22 380	104 069	89
<b>1526 STORDAL</b>	3 992	28	181	1 086 000	5 329	0	331 670	61
<b>1528 SYKKYLVEN</b>	10 631	72	308	1 848 000	4 254	41 035	70 893	296
<b>1529 SKODJE</b>	3 670	18	156	936 000	5 531	227 834	70 600	69
<b>1531 SULA</b>	691	6	21	126 000	0	1 133	0	2
<b>1532 GISKE</b>	9 123	39	368	2 208 000	0	0	0	127
<b>1534 HARAM</b>	17 139	89	718	4 308 000	1 279	11 176	0	110
<b>1535 VESTNES</b>	17 796	99	759	4 554 000	12 028	77 218	13 057	704
<b>1539 RAUMA</b>	33 956	177	1218	7 308 000	16 896	230 073	423 634	200
<b>1543 NESSET</b>	22 666	106	866	5 196 000	4 240	193 215	190 576	933
<b>1545 MIDSUND</b>	4 911	25	152	912 000	0	0	0	29
<b>1546 SANDØY</b>	3 934	14	250	1 500 000	0	0	0	25
<b>1547 Aukra</b>				263	2 400		0	202
<b>1548 FRÆNA</b>	53 171	196	2910	17 460 000	780	43 349	10 833	488
<b>1551 EIDE</b>	19 494	74	770	4 620 000	1 235	7 558	19 500	276
<b>1554 AVERØY</b>	17 902	88	832	4 992 000	534	13 943	0	141
<b>1557 GJEMNES</b>	24 261	126	1061	6 366 000	3 225	107 224	57 665	248
<b>1560 TINGVOLL</b>	18 847	99	860	5 160 000	12 981	732 986	334 728	496
<b>1563 SUNNDAL</b>	21 433	112	744	4 464 000	8 789	195 880	287 500	33
<b>1566 SURNADAL</b>	35 391	164	1538	9 228 000	16 533	705 661	376 662	76
<b>1567 RINDAL</b>	24 767	95	1404	8 424 000	5 809	230 061	11 022	86
<b>1571 HALSA</b>	14 165	87	540	3 240 000	6 104	256 295	194 076	85
<b>1573 SMØLA</b>	14 381	71	170	1 020 000	0	0	0	28
<b>1576 AURE</b>	21 717	98	724	4 344 000	3 512	79 773	0	0

## 5.2 Landbruk og bygdeutvikling



*Bruk av tilførselsslanger har redusert lukta etter gjødselspreiing til eit minimum. Foto: Arnold Hoddevik*

### Fylkesmannen sine fokusområde:

Kommunen har ei sentral rolle i utvikling av landbruket, både det tradisjonelle landbruket og utvikling av nye bygdenæringer. Fylkesmannen legg vekt på samarbeidet som er etablert med kommunane gjennom hoppid.no, og har forventningar til at kommunen utviklar gode samarbeid mellom tradisjonell landbruksforvaltning og Hoppid-kontoret.

I fylket pågår det fleire utviklingsprosjekt, som fylkesmannen oppmodar kommunane om å vere proaktive i høve til:

- Fylkesmannen og partnarskapen startar rekrutteringsprosjekt, i tillegg til etablerte satsingar på vegval for mjølkeprodusentar, eliteprogram for førproduksjon, spesialisert kjøtproduksjon og prosjektsatsinga Fortsatt gardsdrift. Kommunen vert oppmoda om å informere bønder om mulighetene til å delta i prosjekta.
- Kommunen bør vere merksam på om det er bygder i kommunen som vil/bør søkje om å bli med i bygdemobiliseringsprogrammet

Kommunen har eit ansvar for å planlegge og legge til rette for utvikling av skognæringa i kommunen.

### **Fylkesmannen sitt bilde av kommunen:**

Nordre Sunnmøre Landbrukskontor i Ørskog leverer tenester innan landbruksforvaltning til kommunen. Den fysiske avstanden skaper spesielle utfordringar, som det er viktig å ha fokus på. Fylkesmannen har inntrykk av at landbruksforvaltninga har bra kontakt med produksjonsmiljøa. Det er viktig for jordbruket å ta vare på og utvikle aktive og gode produksjonsmiljø.

Fylkesmannen er generelt oppteken av at kommunane skal vere proaktive i høve til utvikling av landbruksnæringa og bygdene generelt, og ønskjer at det skal utviklast gode samarbeid mellom landbruksforvaltning og Hoppid-kontoret.

Kommunen har avtale med Ålesund kunnskapspark om Hopp.id-kontor. Kunnskapsparken står for rettleiing og bistand til personar som ønskjer å starte eller utvikle bedrift.

### **Skogbruk:**

Både skogkulturaktivitet og avverkningsnivå har vore varierande i Skodje. Det blei hogd ein god del i 2011, og det er viktig at desse areala vert planta til att.

Kommunen si rolle som utviklingsaktør og tilretteleggar er viktig, for at skogbruk skal bli ei mest mogleg lønsam næring for skogeigarane. Kommunen har skogbruksplan med miljøregistreringar frå 2005. Dette er avgjerande for å få levert tømmer. Tømmerkaia på Håheim vil nok gjere kommunen attraktiv for tømmerkjøparar. Vidare er det kjøpar av furutømmer i nabokommunen, og eit sagbruk på Stavset. Kulturskogen er framleis litt ung, men kommunen bør førebu seg på ein gryande haustringfase.

### **Dialogpunkt**

Korleis kan kommunen medverke til vidare utvikling av tradisjonelt jordbruk, skogbruk og nye bygdenæringer?

Kva kan kommunen gjere for å auke/utnytte verdiskapinga og potensialet frå skogbruket?

- Skogsvegar og lunnepllassar
- Planting, fornying og skogkultur

## 5.3 Forvaltningsoppgåver på landbruksområdet



*Arealressursane er ein fundamental ressurs for landbruket. Frå feltkurs i vurdering av arealtilstand for jordbruksareal i Ørskog og Skodje i 2011. Norde Sunnmøre Landbrukskontor har delteke på fleire slike kurs. Foto: Arnold Hoddevik*

### **Fylkesmannen sine fokusområde:**

Kommunane er vedtaksmynne for juridiske og økonomiske virkemidlar, og gjer innstilling til søknader om tilskot frå bygdeutviklingsmidlane. Fylkesmannen legg vekt på at forvaltninga skal ha god fagleg kvalitet i høve til regelverket innafor dei ulike fagområda. Staten legg større vekt på kontroll no enn tidlegare, og legg vekt på at kontroll særleg skal rettast mot område med stor risiko for at feil kan skje.

Når nye ordningar vert introduserte, har kommunen eit medansvar for å gjere ordningane kjende i næringa.

### **Jordvern:**

Saman med regionale og sentrale myndigheter har kommunen eit stort ansvar for å ta vare på landbruket sine produksjonsareal gjennom arealforvaltning og kommunen sitt planarbeid.

Kommunen må arbeide for å etablere langsiktige utbyggingsgrenser mot dei viktigaste landbruksareala, og stille krav om effektiv utnytting av eksisterande og planlagde utbyggingsområde.

Landbruksnæringa er avhengig av kommunale tenester med god kapasitet, god kvalitet og rutinar som sikrar effektiv og sikker saksbehandling.

Ein leigejordsandel på heile 68 prosent gir grunnlag for å presisere kravet til 10-årige leige-kontraktar, som ikkje kan seiast opp av jordeigar. Då talet på føretak har gått kraftig ned, er det også viktig å sjå til at driveplikta blir oppfylt. Det er ynskjelig at kommunen prioriterer oppfølging av driveplikta, slik at dei som driv aktivt landbruk leiger areala på langsiktig kontrakt. Slik vil areala dekke eit behov for tilleggsjord, samstundes som dei blir haldne i hevd.

Arbeidet med samfunnssdelen i kommuneplanen er godt i gang, og ifølgje Skodje kommune sin planstrategi skal arbeidet med arealdelen i kommuneplanen startast opp i 2014. Fylkesmannen legg til grunn at kommunen har store jordvernutfordringar, og ønskjer tett dialog knytt til rullering av arealdelen i kommuneplanen.

Det er viktig at landbruksfagleg kompetanse blir trekt inn i alle planprosessar på eit tidlig stadium.



*Professor ved Høgskulen i Volda, Jørgen Amdam utfordrar ordførar Terje Vadset under folkemøte om ny kommuneplan.  
Foto: Arnold Hoddevik*

## Tilskotsforvaltning

Fylkesmannen fører årleg kontroll med kommunane si forvaltning. Skodje vart sist kontrollert i forvaltningskontroll ved landbrukskontoret i 2009. Det vart då funne enkelte avvik og merknader, som vart retta på. Kommunen må aktivt marknadsføre SMIL-midlane (Spesielle miljøtiltak i jordbruket) og den nye ordninga med tilskot til drenering av jordbruksjord.

## SMIL:

2013: Nordre Sunnmøre landbrukskontor fekk tildelt ei samla ramme på kr 330.000 til alle 5 kommunane. I Skodje vart det løyvt kr 80.880 til 3 saker.

2014: Tildelt ramme dette året er kr. 360.000 til alle 5 kommunane. Det er løyvt kr 150.000 fordelt på 4 saker

### Drenering:

2013: Kommunen hadde ei ramme på kr 40.000, dette beløpet vart løyvt på ei sak.

2014: Nordre Sunnmøre landbrukskontor har fått tildelt ei samla ramme for alle 5 kommunane på kr 150.000. Søknadsmengda har vore lita, og kr 100.000 er nyleg fordelt om til andre kommunar. Hittil i år er det ikkje registrert løyving av tilskot til drenering i Skodje.



Grøftefelt i Apalvika 2013. Foto: Arnold Hoddevik

### Fylkesmannen sitt bilde av kommunen:

- Nordre Sunnmøre har kompetente og engasjerte medarbeidrarar i landbruksforvaltinga. Medarbeidarane har brei og allsidig landbrukskompetanse, og har ei aktiv haldning til utviklingsarbeid i landbruket.
- Landbruksforvaltninga har god oppfølging av både SMIL- og dreneringssakene.

### Dialogpunkt

- Nytt regionalt miljøprogram for Møre og Romsdal vart innført i 2013. Er det alle som utnyttar mulighetene gjennom Regionalt Miljøprogram?
- Er det gode rutinar for risikobasert kontroll og oppfølging av eventuelle avvik knytt til produksjonstilskot og anna tilskotsforvaltning?

# Kap. 6 – Oppvekst og utdanning



- Generelt om status, utviklingstrekk og utfordringar på fagområdet
- Barnehage
- Grunnskule

## 6.1 Generelt om status, utviklingstrekk og utfordringar på fagområdet

Barn og unge har plikt til grunnskuleopplæring, og rett til ei offentleg grunnskuleopplæring. Noreg har tiårig obligatorisk grunnskule som blir finansiert av kommunane. Barna tek til på skulen det året dei fyller 6 år. All ungdom mellom 16 og 19 år har rett til vidaregåande opplæring. Elevane kan velje mellom yrkesførebuande eller studieførebuande program, og opplæringa blir finansiert av fylkeskommunen.

Fylkesmannen skal bidra til at den nasjonale utdanningspolitikken blir følgd opp av fylkeskommunale, kommunale og private skuleeigarar. Vi skal vere ein ressurs og eit serviceorgan for kommunar, fylkeskommunar og andre med oppgåver innanfor opplæring, til dømes private skular, studieforbund og folkehøgskular.

Fylkesmannen skal dessutan bidra til å ivareta rettane og rettsvernet til elevar, føresette, lærlingar og deltakarar i vaksenopplæringa.

## 6.2 Barnehage

Barnehagen skal vere ei pedagogisk verksemd som gir barn under skulepliktig alder gode tilhøve for utvikling og aktivitet. Alle kommunar har ei lovfesta plikt til å tilby nok barnehageplassar, og kommunane har også ansvar for å finansiere barnehagane.

Fylkesmannen skal medverke til å nå dei nasjonale måla for barnehagepolitikken.

Fylkesmannen skal mellom anna:

- utføre tilsyn
- gi generell informasjon og rettleiing
- sikre rettar gjennom behandling av klager og andre enkeltsaker
- leggje til rette for og vere pådrivar i arbeidet med å betre kvaliteten
- forvalte statlege tilskot
- medverke til tverrfagleg samarbeid

### **Fylkesmannen sine fokusområde:**

**Retten til barnehageplass:** Fylkesmannen skal følgje opp kommunane og sjå til at dei oppfyller retten til barnehageplass.

**Rekruttering:** Fylkesmannen skal prioritere og sette i verk tiltak for auka rekruttering til barnehagelæraryrket gjennom satsinga GLØD.

**Likestilling:** Fylkesmannen skal bidra med å auke rekrutteringa av menn til barnehagelæraryrket.

**Innhaldet i barnehagen og utviklinga av kvalitet i barnehagen:** Fylkesmannen skal på fleire området arbeide med tiltak for å auke kvaliteten i barnehagane, mellom anna:

- bidra til vidareføring av satsinga *Vennskap og deltagelse* - kompetansesatsing for barnehagetilsette til dømes tiltak for å ta i vare mangfalds- og likestillingsperspektivet
- bidra til implementering av rettleiaren *Barns trivsel – voksnas ansvar* - gjennom samarbeid med relevante aktørar
- informere om tiltaka for rettleiing av nyutdanna barnehagelærarar

**Økonomisk likeverdig behandling:** Prioritere informasjon knytt til kommunane sin praktisering av forskrift om likeverdig behandling ved tildeling av offentlege tilskot til ikkje-kommunale barnehagar

## **Fylkesmannen sitt bilde av kommunen:**

### **Retten til barnehageplass:**

Ut frå Fylkesmannen si vurdering oppfyller kommunen retten til barnehageplass.

### **Rekruttering:**

Kommunen hadde 2,5 prosent av styrarar og pedagogiske leiarar på dispensasjon frå utdanningskravet i des. 2013. Det betyr 1 av 32 på dispensasjon. Skodje kommune synest såleis å ha mindre utfordringar med å få rekruttert kvalifisert personell til barnehagane. Sett i forhold til SSB sine prognosar for befolkningsutviklinga, vil behovet for tilsette i barnehagane vere sterkt aukande på lang sikt (2020-2040), med pluss 12 tilsette i 2020, og pluss 24 fram mot 2040. Dette i forhold til dagens bemanningsnivå, og erstatning av tilsette som sluttar/går av med pensjon kjem i tillegg.

### **Likestilling:**

I basisverksemda med styrarar, pedagogiske leiarar og assistenter er det i barnehagane i Skodje 7,2 % menn, altså 6 av 82, mot fylkessnittet på 4,5%

### **Innhaldet i barnehagen og utviklinga av kvalitet i barnehagen:**

Fylkesmannen sin kjennskap til innhaldet i barnehagesektoren kjem i det vesentlege frå klagesaker, gjennomførte tilsyn og kontakt i samband med tildeling av utviklingsmidlar, konferansar, møte m.m.. Fylkesmannen gjennomførte tilsyn med Skodje etter barnehagelova i 2011 og avdekte 3 avvik. Vi nytta Skodje kommune v/styrar i Skodje barnehage på fagsamling for noko sidan. Bakgrunnen for dette var vår kjennskap til godt arbeid i barnehagesektoren.

### **Økonomisk likeverdig behandling:**

I Skodje kommune er det 3 kommunale barnehagar og 1 ikkje-kommunale. Praktiseringa av forskrift om likeverdig økonomisk behandling av ikkje-kommunale barnehagar er såleis eit aktuelt tema.

### **Nøkkeltal for barnehageområdet for 2013**

Indikatorar	1529 Skodje	KOSTRA gr. 1	M&R	Landet u/ Oslo
Del av barn 1-5 år med barnehageplass	88,4	87,4	92,6	90,8
Del av barn i barnehagane som er minoritetsspråklege	7,1	8,5	9,2	11,2
Del av barn i barnehagar i kommunale barnehagar	74	62	49	50
Del av tilsette med førskolelærarutdanning	25	30,5	30,2	34,1
Del av assistenter med fagutdanning eller tilsvarende	48	36	29	30
Del av tilsette i barnehagane som er menn	7,3	5,8	4,2	7,6

Barn per årsverk i kommunale b.h.g.	6,2	6,2	6,1	6,2
Barn per årsverk i private b.h.g.	6,8	6,7	6,5	6,5
Korrigerte brutto driftsutgifter til kommunale barnehagar per korrigert oppholdstid (kr)	46	53	53	54
Kommunale overføringer av driftsmidler til private barnehagar per korrigert oppholdstid (kr)	0	26	36	39
<b>Styrka tilbod etter barnehagelov(kostra-funksjon 211) og spesialpedagogisk hjelp etter opplæringslov (§ 5-7)</b>				
Andel av barn i barnehagar som får ekstra ressursar til styrka tilbod (f 211)	13,5	14,4	15	16,4
Brutto driftsutgifter per barn som får ekstra ressursar etter funksjon 211	16738	50842	67095	61037
Andel barn i barnehagar med spesialpedagogisk hjelp etter oppl. § 5-7	2,3		2,8	2,2
Årstimer hjelp per barn etter § 5-7	166		424	548
Fordeling av timer på (spesial)pedagog/ assistent etter § 5-7	43/57		37/63	55/45

### Dialogpunkt

- Er krava til pedagogisk bemanning etter Forskrift om pedagogisk bemanning på plass? (Det 10 og 19 barnet krev pedagog i full stilling, kommunen hadde ikke korrekt forståing på tilsynstidspunket).
- Det har vore gjort godt arbeid i barnehagane, med flinke styrarar som driv pedagogisk utviklingsarbeid, er dette framleis i godt gjenge?

## 6.3 Grunnskule



*Valle skule.*

Med grunnopplæring meiner vi grunnskule og vidaregåande opplæring. Opplæring på grunnskulenivå er eit kommunalt ansvar, medan fylkeskommunen har ansvar for opplæringa på vidaregåande nivå. I tillegg kan private skuleeigarar tilby grunnopplæring.

Fylkesmannen medverkar til kvalitetsutvikling av grunnopplæringa gjennom rapportering, vurdering og rettleiing. Fylkesmannen utøver dessutan tilsyn, ser til at vedtak er lovlege og handsamar klagesaker knytt til grunnopplæringa.

Fylkesmannen koordinerer avvikling av sentralt gjeve eksamen i vidaregåande opplæring.

### **Fylkesmannen sine fokusområde:**

**Læringsmiljø:** Elevane har rett på et læringsmiljø som fremmar helse trivsel og læring (jf opplæringslova § 9a-1). Status på området kan indikerast gjennom resultat frå elevundersøkinga for indikatorar relatert til læringsmiljøet.

Fylkesmannen har i perioden frå hausten 2010 og fram til i dag ført tilsyn med kor godt skulane arbeider med skulemiljøet på områda førebygging, individuelt retta arbeid og brukarmedverknad. FM har gjennom prosjektskjønnsmidlar i 2011 og 2012 støtta prosjekt som siktar mot å utvikle skulane sitt systematiske arbeid med temaet.

**Ressurssituasjonen:** Fylkesmannen følgjer med på utviklinga av ressursbruken i skulen, også kor stor del av elevar som får spesialundervisning og kor stor del av ressursane som blir brukt til spesialundervisning kontra ordinær opplæring. Ein auke i bruken av spesialundervisning som medfører reduksjon av ressursar til ordinær opplæring er etter FM si vurdering ei uønskt utvikling. FM har dei siste åra presentert statistikk på området på arenaer med kommunane og sett fokus på utviklinga.

FM har gjennom prosjektskjønnsmidlar i 2011, 2012 og 2013 støtta prosjekt som siktar mot å forbetre kommunane, skulane og PPT sitt arbeid med spesialundervisninga.

**Tilstandsrapporten og skuleeigar sitt ansvar:** Fylkesmannen har fokus på at skuleeigar brukar tilstandsrapporten etter opplæringslova § 13-10 som grunnlag for drøftingar og når ei skal ta avgjerder på politisk skuleeigarnivå.

Fylkesmannen samarbeider med KS og M&R fylkeskommune om skuleeigarprogrammet «Den gode skuleeigar» som blir gjennomført i 2013 og 2014.

**Vurdering for læring:** Overordna målsetting er å legge til rette for at skuleleigar og skular kan vidareutvikle ein vurderingskultur og ein vurderingspraksis som har læring som mål. Dette er ei fireårig satsing som har vart frå hausten 2010. Møre og Romsdal er med i 4. pulje som starta våren 2013. Satsinga viser seg å ha vore vellukka no bestemt vidareført slik at fleire får høve til å vere med på dette utviklingsprogrammet.

**Ungdomstrinnssatsinga:** På grunnlag av Meld. St. 22 *Motivasjon – mestring – muligheter* (Ungdomstrinnsmeldiga), er det frå sentralt hald utarbeidd ein eigen strategi for gjennomføring av satsinga på ungdomstrinnet i fem år framover. Målsettinga er eit meir praktisk, variert, relevant og utfordrande ungdomstrinn som skal auke elevane sin motivasjon og læring. Regjeringa gjer tre hovudgrep som skal bidra til dette: innføring av valfag, auka fleksibilitet og prioriterte verkemiddel for utvikling av forbetra undervisning i den ordinære opplæringa.

## **Fylkesmannen sitt bilde av kommunen:**

### **Læringsmiljø:**

I Skodje kommune har det dei siste tre åra vore ein del svingingar i tala for kor ofte elevane i kommunen seier at mobbing førekjem. Tala for 7. årstrinn viser snittnivå litt dårlegare enn landssnittet, og med eit snitt score på 4,54 dei siste tre åra mot lands- og fylkessnitt på 4,63 (høgt score betyr lite mobbing). Tilsvarende for 10. årstrinn viser snittnivå omtrent likt enn landssnittet, og med eit snitt på 4,69 dei siste fem åra mot lands- og fylkessnitt på 4,65. Andel elevar som seier dei ikkje blir mobba i det heile er 71% for 7. trinn. Lands- og fylkessnittet er her 77 %. Tilsvarende for 10. trinn er 81 %, med lands- og fylkessnitt på 79-80 %.

### **Ressurssituasjonen:**

Skodje har inneverande skuleår andel elevar med spesialundervisning høgare enn snittet med 10,5%. Landsnittet er 8,4 %. I perioden frå 2005 til 2012 har talet variert mellom 6,5% og 12,3 %.

I same perioden frå 2005 og fram til no har den samla lærartettleiken vore omtrent uendra, i og med at også gjennomsnittleg gruppersterleik har vore omtrent uendra.

Skodje brukar ein mindre del av lærartimane til spesialundervisning enn snittet, ca. 15,5% mot lands- og fylkessnitt på ca. 18%.

Skulane i kommunen har, ut frå rapporteringa i GSI hausten 2013, eit minstetimetal som låg greitt over eit nivå som er å rekne som eit minimum med lærarressursar for å kunne ha ei pedagogisk og tryggleiksmessig forsvarleg klassedeling. Dette gjeld for skulane utanom Skodje barneskule som ligg nær eit minstenivå.

### **Vurdering for læring:**

Skodje kommune er med i satsinga *Vurdering for læring*. Representantar frå kommunen har møtt på samlingar. Fylkesmannen er usikker på engasjementet i pulje 4, men kommunen er med vidare i pulje 5. Denne nasjonale satsinga går ut på å auke kvaliteten på elevvurderinga, som eit verkemiddel til betre læring for elevane. Det er meininga at deltagande kommunar også skal bidra til spreiing av kunnskapen dei får gjennom satsinga til andre.


### **Ungdomstrinnsatsinga:**

Satsinga kom i gang frå og med hausten 2013, og kommunane vart våren 2013 invitert til ei kartlegging av kompetansebehov innanfor dei prioriterte områda. Det vil bli gitt tilbod om støtte til skulebasert kompetanseutvikling til alle ungdomsskulane i landet med oppstart anten hausten 2013, 2014, 2015 eller 2016. Det blir viktig at kommunane, ut frå eigne planar og behov, legg opp ein eigen strategi for satsinga. Det bør der klargjerast om og korleis dei vil utnytte tilboda om støtte frå eit høgskolemiljø, og korleis dei legg opp utviklinga av

ungdomstrinnet også utanom perioden på tre semester der dei får ekstern bistand. Skodje er sett opp i pulje 4 med oppstart av bistand frå høgskulemiljø frå og med hausten 2016 og i tre semester framover. Tilbod om slik bistand går ut til kommunen frå Utdanningsdirektoratet.

#### Nøkkeltal for grunnskoleområdet for 2013

<i>Indikatorar</i>	<b>1529 Skodje</b>	<b>KOSTRA -gruppe 1</b>	<b>M&amp;R</b>	<b>Landet u/ Oslo</b>
Elevar per kommunal skule	140	158	170	210
Gjennomsnittleg grupperstorleik, 1.-10.årstrinn	13	12,3	13,2	13,5
Del av elevar i grunnskolen som får spesialundervisning	10,5	9,5	8,9	8,4
Del av elevar i grunnskolen som får særskilt norskopplæring	2,3	3,2	4,5	5,7
Del av timer til spesialundervisning av lærartimer totalt	15,8	21,2	18	17,8
Del av elevar i grunnskolen som får tilbod om skoleskyss	34	49	29	24
Gjennomsnittleg grunnskolepoeng	38,7	..	40,1	40
Andel elevar med direkte overgang frå grunnskole til vidaregåande opplæring	96,3	98	98,3	98



**Utviklinga av prosentdel elevar med spesialundervisning sett opp mot lærartettleik (gruppestorleik) dei siste ni åra.**

#### Tilsyn 2009-2014:

Fylkesmannen har i perioden hatt følgjande tilsyn med skulesektoren i kommunen:  
Tilsyn med elevane sitt psykososiale skolemiljø i 2010, Skodje barneskule og Skodje ungdomsskule. Oppfølgingstilsyn med same tema i 2012/13.

Resultatet av tilsynet vart at det vart avdekkta lovstridige forhold ved begge skulane.

Tilsynsrapportar er tilgjengelege på Fylkesmannen si heimeside.

#### **Dialogpunkt**

- Korleis vurderer kommunen den forholdsvis høge andelen elevar med spesialundervisning?
- Korleis har kommunen tenkt å leggje opp arbeidet med ungdomstrinnsatsinga, kva utfordringar ser kommunen her?

## Kap. 7 – Helse og sosial



- Generelt om status, utviklingstrekk og utfordringar på fagområdet
- Kommunehelse
- Pleie og omsorg
- Gjennomføring av helsehjelp med tvang
- Psykisk helsearbeid
- Rusfeltet
- Sosialtenesta
- Barnevern

### 7.1 Generelt om status, utviklingstrekk og utfordringar på fagområdet

Fylkesmannen er eit forvalnings- og kompetanseorgan og skal medverke til å gjennomføre nasjonal politikk i helse- og omsorgssektoren regionalt og iverksetting av sektorpolitikken gjennom kommunane. Fylkesmannen skal drive rådgiving mot sentrale myndigheter,

kommunane, fylkeskommunane, helseføretaka, frivillige organisasjonar og befolkninga. Dette inneber blant anna å informere, rettleie og gi råd innan helse- og omsorgslovgivinga, sosiallovgivinga og barnevernlovgivinga.

Gjennomføring av samhandlingsreforma vil krevje ekstra merksemd i åra framover. Vidare har Fylkesmannen oppgåver knytt opp mot kvalitetsutvikling og prioritering i helse- og omsorgstenesta. Fylkesmannen har gjennom eit eige fullmaktsbrev fullmakt til å forvalte ulike tilskotsordningar.

Fylkesmannen skal, som tilsynsmyndighet, ha kunnskap om barns oppvekstforhold, befolkningas levekår, helsemessige forhold i befolkninga og behov for barnevernstenester, sosiale tenester i Nav og helse- og omsorgstenester. Fylkesmannen skal vidare kontrollere om tenestene blir utøvd i tråd med krav i barnevernlova, lov om sosiale tenester i Nav, lov om kommunale helse- og omsorgstenester, spesialisthelsetenestelova m.v. og gripe inn overfor verksemder som utøver sine tenester i strid med lovgivninga. Fylkesmannen skal føre tilsyn med alt helsepersonell og anna personell i kommune- og spesialisthelseteneste som yter helse- og omsorgstenester.

## 7.2 Kommunehelse

Dette delkapitlet omhandlar kommunens lovpålagde ansvar for legetenester og øyeblikkeleg hjelp, helsestasjonstenester, skulehelsetenester og førebyggande helsearbeid. Desse tenestene er forankra i *Lov om kommunale Helse- og omsorgstenester*.

### ***Fylkesmannen sine fokusområde:***

#### **Legetenester:**

- Fylkesmannen har eit følgje-med ansvar når det gjeld forsvarlege legetenester og tilstrekkeleg legedekning i kommunane.
- Fylkesmannen fylgjer med i utviklinga av nye tilbod om øyeblikkeleg hjelp i kommunane (ø-hjelp), korleis tilboda blir organisert og korleis samarbeidet med helseføretaket sikrar trygge tenester for befolkninga.



- Fylkesmannen fylgjer også med på prosessar omkring organisering av legevaktstenester. Frå 2014 skal også nytt digitalt nødnett innførast i Møre og Romsdal. Fylkesmannen stiller seg positiv til legevaktssamarbeid, og er av den oppfatning at dette vil samla sett gjere tenestene meir robust og kvalitetsmessig sett betre.

#### **Førebyggande helsetenester:**

Fylkesmannen har fokus på førebyggande helsetenester og forvaltar tilskotsmidlar til etablering og vidareutvikling av frisklivssentral i kommunane.

#### ***Fylkesmannen sitt bilde av kommunen:***

##### **Fastlegetenesta:**

I følge HELFO har Skodje kommune fire fastlegelister. Det er per 29. oktober 2014 to lister med ledige plassar. I tillegg har kommunen turnuslege. Fylkesmannen oppfattar fastlegetenesta som stabil.

Fylkesmannen har sidan 1. januar 2013 behandla tre rettighetsklager. I to av sakene blei kommunen sitt vedtak stadfesta, medan det i den siste saka fikk klagar delvis medhald.

I same periode behandla Fylkesmannen to tilsynssaker frå Skodje kommune. Det blei ikkje påpeika lovbro i nokon av sakene. Men det blei påpeika forbettingspotensiale i ei sak som handla om ein enkelpasient ved Skodje omsorgssenter.

##### **Helsefremjande og førebyggande arbeid**

Gjennom føringane av samhandlingsreforma og nytt lovverk skal kommunen ha tilbod om helsefremjande og førebyggande tenester for innbygarane. Skodje kommune har etablert frisklivssentral i 2011, men denne er vedtatt nedlagt i 2014. Skodje kommune har fått tilskot på kr 190 000 frå 2010 til 2013 til etablering og vidareutvikling av frisklivssentral.

I vår kontakt med kommunen kjem det fram at frisklivssentralen har gitt tverrfaglege førebyggande tilbod, også til barn og deira familiar som eit godt grunnlag tidleg i livet. Målsetjinga var å stimulere barn og familiene til å ta sunne val i kvardagen, både når det gjeld kost og aktivitetar. Tilbakemeldingane (i 2013) frå barna og deira foreldre var gode og tilbodet blei vidareført i 2014. Vi er ikkje kjent med om tilbodet vil halde fram.

##### **Helsestasjonsteneste og helseteneste i skolen**

Årsverk i alt til førebygging, helsestasjon og skolehelseteneste er auka frå 2011 til 2013. Kommunen har etablert helsestasjon for ungdom (kjelde: Kostra). Skodje kommune får kr 168 000 til styrking av helsestasjon- og skolehelseteneste innan dei fire inntekter for 2014.

Fylkesmannen har ikke hatt klager, eller tilsyn med helsestasjon- og skolehelsetenesta på flere år, og er ikke kjent med kvaliteten på områdene. Helsefremjande og førebyggande arbeid.

#### ***Dialogpunkt***

- Korleis vurderer kommunen tilgangen på fastlege i kommunale oppgåver, eksempelvis sjukeheim, helsestasjon, miljøretta helsevern, både no og i dei komande åra?
- Korleis vil ev. kommunen i framtida sikre dekning av fastlegar?
- Kva er den største utfordringa kommunen ser når det gjeld communal ø-hjelp, her under organisering av akuttplassar, legevaktsteneste med digitalt nødnett, legevaktsbemanning og ambulansetenester?
- Korleis sikrar kommunen tilbod om helsefremjande og førebyggande tenester for alle innbyggjarane?
- Kva er den største utfordringa for kommunen i arbeidet med helsefremjande og førebyggande tiltak?
- Kva plan har kommunen for styrking av helsestasjon- og skolehelsetenesta i 2015?

## 7.3 Pleie og omsorg

Dette delkapitlet omhandlar kommunens lovpålagde ansvar for helsetenester i heimen, personleg assistanse, her under praktisk bistand og opplæring, støttekontakt, plass i institusjon, her under sjukeheim og avlastningstiltak. Desse tenestene er forankra i *Lov om kommunale Helse- og omsorgstenester*.

### **Fylkesmannen sine fokusområde:**

Fylkesmannen har mange oppgåver knytt til dette tenesteområdet, mellom anna gjennom den nasjonale satsinga Omsorgsplan 2015, som no er utvida til 2020 – Morgondagens omsorg.

### **Demensplan 2015**

Til grunn for demensplanen ligg ei erkjening av at dagens omsorgsteneste ikkje i stor nok grad er bygd og tilrettelagt for personar med demens. Det gjer at det dei nærmaste åra er naudsynt med endringar både i høve til omsorgstenesta si kompetanse, organisering og fysiske utforming. Demensplanen løfter fram tre hovudsatsingsområde: *dagaktivitetstilbod, betre tilpassa butilbod, samt auka kunnskap og kompetanse*. Demensplanen har tydelege mål som skal vere nådd ved planperiodens slutt i 2015.

**Kompetanseløftet 2015** (K2015) er regjeringa sin kompetanse- og rekrutteringsplan for dei kommunale omsorgstenestene. Med betydeleg fleire eldre og andre med behov for omsorgstenester og færre i yrkesaktiv alder, går aldersbereevna ned. Kompetanseløftet inneholder strategiar og tiltak som skal bidra til å sikre tilstrekkeleg, kompetent og stabil bemanning i omsorgstenestene. Det skal bidra til å møte utfordringane Norge står framfor knytt til den demografiske utviklinga og det framtidige sjukdomsbilete i befolkninga. Tilskot frå K2015 har søknadsfrist 01.april og 01. september, og blir tildelt i juni og oktober.

### **Kvalitet og pasientsikkerheit i helse- og omsorgstenesta**

Det konkrete arbeidet for å betre kvaliteten i helse- og omsorgstenestene må i all hovudsak skje i verksemndene. Systematisk kvalitets- og pasientsikkerheitsarbeid er eit ansvar for leiarar på alle nivå i tenesta. Arbeidet må forankrast hos og blir etterspurt av toppleiringa, men spesielt leiarar som arbeider nær pasienten har ei nøkkelrolle. Det overordna mål for kvalitets- og pasientsikkerheitsarbeidet er:

- eit meir brukarorientert helse- og omsorgstilbod
- auka satsing på systematisk kvalitetsforbetring
- betre pasientsikkerheit og færre uønska hendingar

### Koordinerande eining

Føremålet med koordinerande eining for habilitering og rehabilitering er å medverke til at brukarar som har behov for tenester frå fleire ulike tenester frå fleire aktørar skal få eit heilskapleg tenestetilbod. Det er krav om at koordinerande eining skal vere synleg, tilgjengeleg og etablert.

### *Fylkesmannen sitt bilde av kommunen:*

#### Demensomsorg

I 2010/2011 blei det gjennomført ei nasjonal kartlegging av tilbodet til personer med demens. I tillegg har Fylkesmannen sendt ut brev til alle kommunane for å følgje opp den enkelte kommune etter den nasjonale kartlegginga. Det er utsendt ei ny nasjonal kartlegging 01.oktober 2014.

Framtidige omsorgsutfordringar skal stå på dagsorden i det ordinære kommune- og økonomiplanarbeidet med spesielt fokus på: Eit helse- og sosialtenestetilbod som er tilpassa at talet på personar med demens og deira pårørande er aukande. Den nasjonale kartlegginga 2010/2011 viser at kommunen ikkje har eigen demensplan, men Skodje kommune har planer om å starte utarbeiding av demensplan i 2014. Det er ikkje lovpålagt med eigen demensplan, men anbefalt. Kartlegginga i 2011 viser også at kommunen ikkje har demensteam, dagaktivitetstilbod eller pårørandeskule /samtalegruppe. Kommunen viser til at utgreiing av dei ulike tilboda til personar med demens først kunne starte i 2014. Kommunen har bukollektiv for denne pasientgruppa.

#### Andel årsverk i brukarretta tenester m/ fagutdanning( Enhet %)

Kommunar	<u>2007</u>	<u>2008</u>	<u>2009</u>	<u>2010</u>	<u>2011</u>	<u>2012</u>	<u>2013</u>
<b>Skodje</b>	64	67	63	64	67	65	63
<b>Møre og Romsdal</b>	74	74	74	75	74	75	76
<b>Landet</b>	71	72	72	72	73	74	75

Det er eit mål for Kompetanseløftet 2015 i vårt fylke, at 90 prosent av dei tilsette i brukarretta pleie- og omsorgsteneste skal ha helse- og sosiaffagleg utdanning. Det er eit ambisiøst mål, som krev felles initiativ frå både utdanningsinstitusjonar og kommunar. Skodje kommune har 63 prosent andel årsverk i brukarretta tenester med fagutdanning. Det er lågare enn gjennomsnittet for landet og den lågaste andeleni Møre og Romsdal, saman med Sande kommune.

### **Andel årsverk utført av tilsette, 55 år og eldre**

Kommune	2007	2010	2011	2012
<b>Skodje</b>	21,3 %	22,8 %	24,1 %	27,2 %
<b>Samla Møre og Romsdal</b>	22,4 %	25,4 %	26,6 %	27,2 %
<b>SAMLA LANDET</b>	20,0 %	22,1 %	22,9 %	23,2 %

Kommunane i Møre og Romsdal samla sett har ein større del tilsette over 55 år i helse- og omsorgstenesta enn gjennomsnittet for landet. Møre og Romsdal har 27,2 prosent tilsette 55 år og eldre. Skodje kommune hadde 27,2 prosent andel eldre arbeidstakrarar i 2012. Det er på same nivå som gjennomsnittet i Møre og Romsdal og høgare enn for landet.

### **Andel plassar i einerom i pleie- og omsorgsinstitusjonar ( Enhet %)**

Kommunar i Møre og Romsdal	2007	2008	2009	2010	2011	2012	2013
<b>Skodje</b>	100.0	100.0	100.0	100.0	100.0	100.0	100.0
<b>Møre og Romsdal</b>	95.8	96.2	96.4	95.3	95.2	93.9	92.7
<b>Landet</b>	92.0	93.6	93.8	93.4	93.8	93.5	93.8

Skodje kommune har 100% andel plassar i einerom. Fylkesmannen er av den oppfatning at det er viktig å halde fast på den tydelege nasjonale målsettinga om at personar som skal bu på institusjon over lengre tid, skal få tilbod om eige rom. Dette er også forankra i Forskrift om kvalitet i pleie og omsorgstenestane, som seier at kommunen skal utarbeide skriftlege nedfelte prosedyrar som søker å sikre at brukarar av pleie- og omsorgstenester får tilfredsstilt grunnleggande behov som tilbod om eige rom ved langtidsopphald.

### **Legetimar pr. veke pr. bebuar i sjukeheim**

Region	2007	2008	2009	2010	2011	2012	2013	Legetimer per uke per beboer - lokal norm 2008
<b>Skodje</b>	0.24	0.34	0.27	0.29	0.33	0.26	0.38	0,34
<b>Møre og Romsdal</b>	0.26	0.26	0.29	:	0.33	0.38	0,40	
<b>Landet</b>	0,31	0,33	0,34	0,37	0,39	0,43	0,46	

*Indikatoren viser gjennomsnittleg tal på legetimar pr. veke pr. bebuar i sjukeheim og buform med heildøgns omsorg og pleie. 0.25 timer tilsvrarar 15 min. pr beboar.*

I 2007 blei kommunane bedt om å talfeste kor mange legetimar som kreves for å oppfylle lovkravet om fagleg forsvarleg tenester og eigne krav til kvalitet på legetenesta i sjukeheim, basert på risiko- og behovsvurderingar. Skodje kommune sette 0,34 legetimar pr. veke pr. bebuar som lokal norm. Kommunen hadde 0,38 legetimar per veke per bebuar i 2013. Skodje kommune ligg under gjennomsnittet både for landet og Møre og Romsdal.

Det er framleis grunn til å ha eit sterkt fokus på utviklinga når det gjeld legetid i sjukeheimar og i pleie- og omsorgstenestene elles, spesielt med tanke på at bebuarane i sjukeheim ofte har fleire og meir komplekse helseproblem. Det er om lag 75- 80 % av bebuarane som har kognitiv svikt eller ein demenssjukdom. Kortare liggetid på sjukehus, auka vektlegging av korttids- og rehabiliteringsopphald og styrking av palliativ behandling stiller òg større krav til medisinsk-fagleg kompetanse i sjukeheim. Etter innføringa av Samhandlingsreforma er utbygging av akuttplassar og lokalmedisinske senter viktige verkemiddel for kommunane.

### Dialogpunkt

- Har kommunen etablert demensteam?
- Har kommunen etablert dagaktivitetstilbod til personar med demens?
- Har kommunen planer om å starte pårørrandeskule/samtalegrupper?
- Har kommunen riktig normtall på legetimar pr. veke pr. bebuar i sjukeheim i 2014, basert på risiko- og behovsvurdering?
- Kva gjer kommunen for å auke andel årsverk med fagutdanning?
- Kva pasientgruppe er det som har minst fagutdanna personell?

## **7.4 Gjennomføring av helsehjelp eller omsorgstenester med tvang**

Å yte helsehjelp eller omsorgstenester ved bruk av tvang er eit inngrep i pasienten sin sjølvråderett. Difor er rettstryggleiken særsviktig ved denne typen tiltak. Fylkesmannen skal sjå til at regelverket er fulgt, og at det blir fatta vedtak om tvungen hjelp der dette er aktuelt.

Delkapitlet omhandlar tvang etter:

- Pasient- og brukerrettighetslova kap. 4A
- Helse- og omsorgstenestelova kap. 9

### ***Fylkesmannen sine fokusområde:***

#### **Pasient- og brukerrettighetslova kap. 4A:**

*Pasient- og brukerrettighetslova* kapittel 4A vart iverksett 01.01. 2009. Regelverket skal sikre at personar utan samtykkekompetanse, som motsett seg helsehjelp skal ha sin rettstryggleik ivaretatt. Fylkesmannen driv opplæring og rettleiing, samt etterprøver vedtak og behandler klager.

#### **Helse- og omsorgstenestelova kap. 9:**

Fylkesmannen si hovedoppgåve i høve til bruk av tvang og makt overfor personar med psykisk utviklingshemming er sakshandsaming av kommunane sine vedtak om bruk av tvang og makt og avgjører om skadeavverjande tiltak i naudsituasjonar.

Gjennom si sakshandsaming og ved ulike tilsyn får Fylkesmannen kjennskap til kommunane sin praksis på dette området. Dei siste åra har det vore fokusert på korleis kommunane kan sikre kvaliteten i tenestene til personar med psykisk utviklingshemming. Det er særleg lagt vekt på kva tiltak som kan settast i verk for å fylle lova sine krav om kvalifisert personell. I 2014 vil Fylkesmannen gjennom sitt utviklingsarbeid fokusere på lova sine krav til tenester som er fagleg og etisk forsvarleg, samt kravet om å arbeide med å finne andre løysingar enn bruk av tvang og makt.

### ***Fylkesmannen sitt bilde av kommunen:***

#### **Pasient- og brukerrettighetslova kap. 4A:**

Fylkesmannen har fått kopi av 3 vedtak frå Skodje kommune i 2013 og eit vedtak hittil i år. Vi har motteke vedtak om at pasientar tilbakehaldas i bustad utanfor helseinstitusjon

(bufellesskap for demente). Det har ein ikkje muligkeit for etter reglane i pasient- og brukerrettighetslova kapittel 4A. Fylkesmannen er kjent med at det arbeidast i kommunen med å endra bufellesskapet til ein helseinstitusjon.

Vidare steller vi oss spørsmål er om regelverket er kjent for kommunen. En har grunn til å tru at det er underrapportering på området, som betyr at ulovlig tvang vert gjennomført. I beste fall kan det bety at tvang ikkje blir nytta. Eit sentralt spørsmål er om regelverket i tilstrekkeleg grad er kjent og teke i bruk.

### **Helse- og omsorgstenestelova kap 9:**

Per 01.01.2013 er det rapportert om 23 personar med psykisk utviklingshemming over 16 år i Skodje kommune. Fylkesmannen har overprøvd og godkjent vedtak om bruk av tvang og makt overfor fleire personar med psykisk utviklingshemming i kommunen.

Fylkesmannen gjennomførte i starten av 2014 tilsyn med tenester etter lov om helse- og omsorgstenester til personar med psykisk utviklingshemming i Skodje kommune. Under tilsynet blei det avdekt to avvik:

- Avvik 1: Skodje kommune sikrar ikkje at brukarar til ei kvar tid får tenester i samsvar med gjeldande regleverk
- Avvik 2: Skodje kommune har sett i verk tiltak som inneheld bruk av tvang og makt overfor enkelte personar med psykisk utviklingshemming utan at lova sine krav om sakshandsaming er følgt

I etterkant av tilsynet har kommunen utarbeidd plan for retting av avvika som fylkesmannen har vurdert å være tenleg. Fylkesmannen ser at kommunen er godt i gang med arbeidet med å rette avvika, men arbeidet er ikkje kome så langt at tilsynet kan bli avslutta. Under tilsynsbesøket kom det fram at kommunen har som mål å bli særleg god på arbeidet med kvalitet i tenesta. Representantar frå kommunen si leiing heldt den 29.10.2014 eit foredrag, ««Look to Skodje» - arbeid med kvalitet i tenesta», på Fylkesmannen si samling for overordna fagleg ansvarlege for helse- og omsorgstenestelova i kommunane. Der blei det fortalt om kommunen sitt arbeid med å gjere kvalitative endringar i tenestene og bygge opp eit internkontrollsysten som skal sikre tenestene til personar med utviklingshemming.

#### **Dialogpunkt**

- Korleis sikrar kommunen at regelverket knytt til avgjerd om bortfall av samtykkekompetanse og tvang, er kjent og etterlevd i heile personalgruppa?
- Korleis blir kunnskap om regelverket overført til andre tenesteområde i kommunen?

## 7.5 Psykisk helsearbeid

Dei kommunale helse- og omsorgstenestene omfattar tenester etter behov uavhengig av brukarens diagnose. Kommunen må difor sjå til at tilbodet til personar med psykiske helseproblem har omfang og kvalitet i samsvar med behovet. Kommunen må også syte for at tenestene har den kompetanse som trengs for å yte eit forsvarleg tilbod.

### **Fylkesmannen sine fokusområde:**

Fylkesmannen har i oppgåve å fylgje med på utviklinga i tenestetilbodet og medverke til auka kvalitet og kompetanse. Ein er spesielt oppteken av god koordinering mellom ulike tenesteaktørar og godt tverrfagleg arbeid.

Fylkesmannen skal gjere seg kjent med, og fylgje tenesteutviklinga på felta *psykisk helsearbeid og rusarbeid til barn, unge og vaksne* i den enkelte kommune, mellom anna gjennom å kvalitetssikre og sende inn rapporteringa frå kommunane.

I samarbeid med nasjonale og regionale kompetansesentra skal Fylkesmannen medverke til kvalitets- og kompetanseutvikling i lokalt psykisk helsearbeid og rusarbeid, gjennom råd, vegleiing og formidling av lovverk, nasjonale mål og faglege retningsliner. Dette arbeidet bør også involvere brukar- og pårørandeorganisasjonane og spesialisthelsetenesta.

Fylkesmannen har gjennom si verksemd til hensikt å sjå rus-/og psykisk helsearbeid som eit fagfelt, noko som kjem til uttrykk i temasamlingane «Som ringar i vatn», der samhandling mellom kommunar og spesialisthelsetenesta står sentralt.

### **Fylkesmannen sitt bilde av kommunen:**

Slik Fylkesmannen tyder rapporteringstala på ressursbruken innan fagområdet psykisk helsearbeid (IS-24) har Skodje kommune inntil 2013 prioritert å oppretthalde nivået på tenestene etter opphøyr av øyremerking av midlar (01.01.09).

Med grunnlag i reduserte driftsrammer er det politisk gjort vedtak om nedlegging av Frisklivssentralen frå 01.01.15. Dette er eit tilbod som har vore godt brukt frå dei med psykiske helseplager med positive tilbakemeldingar.


Mange brukarar har behov for tett oppfølging med tenester heile døgnet. Tilsette knytt til tenesta gir uttrykk for at kommunen er i mangel av egna bustader til desse brukarane.

Skodje kommune har over tid hatt fokus på barn sine oppvekstvilkår. Ein opplever å ha gode teneste der ein samhandlar godt internt mellom tenesteytarane. Mellom anna er det gode erfaringar med tilsetting av eigen familierettleiar. Tilsette er bekymra for om dagens tilbod kan opprethaldast i framtida.

***Dialogpunkt***

- Kva utfordringar ser kommunen når det gjeld behov innan psykisk helsearbeid i dag og framover?

## 7.6 Rusfeltet



*Kommunen må ha tilstrekkeleg kompetanse når det gjeld rus.*

Kommunane har ansvar for forsvarlege tenester til personar med rusproblem i tråd med lovverk og retningslinjer for dei kommunale helse- og omsorgstenestene. Dei som misbruks alkohol og andre rusmiddel, skal få råd og hjelp av det kommunale tenesteapparatet. På same måte skal familiemedlemmar og andre pårørande få hjelp og rettleiing. Helse- og omsorgstenesten kan mellom anna hjelpe til med behandling, bustad og etablere eit program for støtte på arbeidsplassen. Om hjelpetiltak i kommunen ikkje er strekker til, skal kommunen vise til tverrfagleg spesialisert rusbehandling i spesialisthelsetenesta.

Parallelt med å arbeide for gode tenester for dei som har utvikla eit misbruk, må kommunen ha eit førebyggande perspektiv på rusfeltet. Det gjeld både med tanke på at problem ikkje skal få etablere seg og at begynnande problem ikkje skal få utvikle seg. Å redusere både tilgjenge og ettersurnad er viktige element i ein førebyggande strategi, i tillegg til god kompetanse. Tverrfaglege tenester og kompetanse er naudsynt for å utvikle tenester av god kvalitet i kommunane.

I perioden 2008 -2012 var det ein opptrappingsplan for rusfeltet. Eit av dei viktigaste verkemidla i denne opptrappingsplanen var tilskot til kommunalt rusarbeid. Ordnингa skulle stimulere kommunane til å sette kommunalt rusarbeid på dagsorden. Den vart avslutta i

2012, men vert no relansert i 2014. Stortingsmelding 30 (2011-2012): «Se meg! En helhetlig rusmiddelpolitikk» er ei vidareføring av opptrappingsplanen på rusfeltet og skisserer den nasjonale strategien på rusfeltet.

### **Fylkesmannen sine fokusområde:**

Fylkesmannen skal koordinere og samordne verkemiddel på dei ulike fagområda på ein slik måte at dei støtter opp under det tverrfaglege- og tverrsektorielle arbeidet på områder innan både psykisk helse arbeid og rusarbeid. (Sjå derfor og punkt 7.7 *Psykisk helsearbeid* og punkt 7.4 *Sosialtenesta*).

Det er tydelege føringar i fylkesmannen sitt oppdrag på fagfelta rus/psykisk helse om at barn og unge, og pårørande skal prioriterast. Fylkesmannen skal sjå sine sektoroppdrag overfor barn og unge med samansette problem i samanheng.

Det skal rettas eit særskilt fokus på kapasitet, tilgjenge, heilskaplege og samstundes tenester der kvalitet, kompetanse og kunnskapsbasert praksis skal prege arbeidet.

### **Fylkesmannen sitt bilde av kommunen:**

Skodje kommune har hatt tilskot til kommunalt rusarbeid i perioden 2011 til 2013. Midla har finansiert stilling som ruskonsulent ved NAV-kontoret. Hovedmålet har vore å knytte førbyggande rusarbeid tettere til Frisklivsentralen. Kommunen har slitt med å komme i gang med arbeidet, fordi det tok lang til å komme i gang med Frisklivsentralen og vakanse på NAV-kontoret (NAV Storfjord). Storfjord-samarbeidet har i 2014 søkt om og fått tilskot til kommunalt rusarbeid. Føremålet med tilskotet er å greie ut mulegheitene for eit interkommunalt samarbeid på rus/psykiatrifeltet for dei fire kommunane.

Kommune har ei handlingsplan for rusmiddelarbeid. Plana inneholder både perspektiv på førebygging og behandling i tillegg til kommunal alkoholomsettingspolitikk for Skodje. Det er bra at kommunen har lage ein samla plan for desse tre områda. Generelt folkehelsearbeid er eksplisitt nemnd som eit viktig perspektiv i innleiinga.


Brukarplan er eit kartleggingsverktøy for kommunar for å kartlegge behova til personar med rusproblem som har helse og omsorgstenester i kommunen. Kartlegginga skal vere eit hjelpemiddel for å dimensjonere tenestene i kommunen. Skodje har ikkje hatt ei slik kartlegging. Fylkesmannen vil anbefale dette da det vil gi kommunen eit godt oversiktsbilde og gjøre det lettare å legge til rette for riktige tenester til denne gruppa.

#### **Dialogpunkt:**

- Korleis arbeider Skodje for å få på plass ein heilskapleg teneste til personar med rusproblem?
- Korleis kan kommunen arbeide for å knytte den førebyggande delen av ruspolitiske plan nærmare saman med folkehelsearbeidet?

## 7.7 Sosialtenesta

Kommunen sine oppgåver på sosialtenesteområdet er knytt til Lov om sosiale tenester i NAV. Hovudoppgåva for det kommunale tenesteområdet i arbeids- og velferdsforvaltninga er å medverke til at fleire kan kome i arbeid, vidareutvikle arbeidet på fattigdomsområdet og sikre god forvaltning av lov om sosiale tenester i NAV.



Sosialtenestelova i NAV er samfunnets siste sikkerhetsnett.

### Fylkesmannen sine fokusområde:

Fylkesmannen har fokus på korleis kommunen forstår og brukar lova og forskriftene, og om barn og unge sin situasjon blir vektlagt i sakshandsaminga. Kommunen har eit sjølvstendig ansvar for rett kompetanse i kontora, men Fylkesmannen medverkar til kompetanseutvikling ved å legge til rette kurs og opplæring for tilsette.

Fylkesmannen ga i 2012/13 opplæring i sosialtenestelova i NAV, med tilhøyrande forskrifter og rundskriv over til saman 5 dagar. I 2014 blir det gitt opplæring til nye tilsette.

Fylkesmannen har fokus på oppfølging av framandspråklege og flyktningar/innvandrarar, og deira behov for sosiale tenester og hjelp til arbeid og integrering i samfunnet. Fylkesmannen følgjer med i kommunen sitt arbeid mot fattigdom og sosial ulikskap, og forvaltar tilskot til utvikling av gode tenester.

### ***Fylkesmannen sitt bilde av kommunen:***

Fylkesmannens bilde av sosiale tenester i NAV-kontoret i Skodje er på grunnlag av den kunnskapen vi har frå før og etter kontakt med NAV-leiar. Vi omtalar i hovudsak dei sosialtenesteområda som kommunen har ansvar for.

### **Organisering/leiing/partnarskap/generelt:**

Skodje kommune er ein del av NAV Storfjorden saman med kommunane Stordal, Ørskog og Norddal (kommunelova § 27). Dei har felles NAV-leiar, han var nr to i rekka og blei tilsett i august 2011. NAV kontoret skal ta i vare kommunens oppgåver etter lov om sosiale tenester i NAV. Dei obligatoriske kommunale tenestene (minimumsløysinga) som inngår i NAV-kontoret er: opplysning, råd og rettleiing, (under dette også økonomisk rådgjeving), økonomisk stønad, midlertidig bustad, individuell plan og kvalifiseringsprogrammet. I tillegg til dei generelle oppgåvene; informasjon og generell førebygging, samarbeid med andre deler av forvaltninga, samarbeid med frivillige organisasjonar, bustader til vanskeligstilte og beredskapsplan. I tillegg har dei lagt inn oppgåver etter Helse og omsorgstenestelova; tenester og tvangstiltak for personer med rusproblem. Tenestene støttekontakt og avlastning er planlagt utfasa frå NAV frå 01.01.15.

NAV-leiar sit ikkje i rådmannen si leiargruppe, men møter i særlege høve. Han deltek i partnarskapsmøte saman med rådmann og NAV Møre og Romsdal minimum 2 gonger i året. NAV-leiar har faste møter med barnevernstenesta og rettleiarane har samarbeid om brukarar med psykiatrisk sjukepleiar og fastlege.

### **Kvalifiseringsprogram (KVP)**

Kommunen hadde per 31.08 ein deltagarar på KVP (sentral statistikk). Frå 01.10.14 er det to deltagarar i programmet. Talet vil truleg auke ytterlegare som konsekvens av at det er fleire langtidsmottakarar av økonomisk sosialhjelp i 2014 enn tidlegare år. Sjølv KVP arbeidet er fordelt mellom rettleiarane på dato. Dei har ikkje nok KVP deltagarar til å spesialisere seg eller skape eigne KVP-tiltak.

### **Økonomisk stønad og økonomi/gjeldsrådgjeving**

Utbetaling av økonomisk sosialhjelp gjekk ned etter etablering av NAV-kontoret, for så å auke i 2013. Denne trenden har helde fram og stabilisert seg i 2014. Dei opplever eit aukande behov for økonomi/gjeldsrådgiving og deltek interkommunalt prosjektet med TO Sunnmøre (nordre).

## **Bustader**

Bustadsituasjonen i Skodje opplevast ikkje vanskeleg av NAV-kontoret. Det generelle prisnivået på kjøp/leie av bustad er stigande og det er noko tilgang på bustader i den private leiemarknaden. Kommunen har 3 midlertidige bustader. Når det gjeld behov for varige bustader for vanskelegstilte har dei, til no erfart å ha, tilstrekkelige tilgang private og kommunale bustader. Situasjonen opplevast likevel å vere krevjande i enkelte tilfelle der menneske er i ferd med å stå utan varig husvære. Kommunen har kommunale utleigebustader som kjem vanskelegstilte til gode. Kommunen har i tillegg to utleigebustader til personar i rehabilitering etter rusproblem.

## **Barn unge**

NAV-leiar seier at dei har blitt flinkare til å kartleggje og vurdere levekår til barn og unge, gjennom sin kontakt med brukarar med forsørgjaransvar. Dei har ikkje barnefattigdomsprosjekt.

## **Rus**

Kontoret har rustenester jf innleiinga. NAV-kontoret opplever ikkje at det er eit omfattande rusmiljø i Skodje. Kontoret har kompetanse på tvangstiltak for personar med alvorlege rusproblem, etter at Skodje kommune over fleire år har satt av egne ressursar til ruskonsulent inn i NAV Storfjorden. Sidan 01.01.13 i 50% stilling. Denne ressursen er fjerna frå 01.07.14 av omsyn til budsjetttsituasjonen i kommunen. Kompetansen er framleis i kontoret men den tilsette arbeider i dag med generelt oppfølgingsarbeid i NAV.

## **Klagesaker**

Fylkesmannen har hittil i år behandla tre klagesaker frå NAV-kontoret. I to av sakene vart vedtaket stadfest av Fylkesmannen, medan vedtaket vart endra i ei sak.

## **Tilsyn**

Kommunen hadde i 2011 tilsyn (systemrevisjon) av Fylkesmannen på økonomisk stønad. Det var tre hovudområde som blei undersøkt i tilsynet; 1. Handtering av henvendelsar 2. Kartlegging og innhenting av relevante opplysningar 3. Individuelle vurderingar og avgjersler. Det blei avdekt og dette er no lukka.

### **Dialogpunkt**

- Korleis arbeider kommunen med utfordringar for sosialt vanskelegstilte som treng varig bustad?

## 7.8 Barnevern



Ei kjerneoppgåve for barnevernstenesta i kommunane er å undersøke saker der det er bekymring for barn. Ut i frå ei konkret vurdering av tilhøva kan barnevernstenesta sette inn tiltak. Hjelpetiltak i heimen er mest vanleg, og det skal i desse sakene ligge føre ein tiltaksplan. I alvorlege situasjonar kan barnet takast under omsorg og plasserast utanfor heimen, anten i fosterheim eller i institusjon. Det er fylkesnemnda som tek avgjerd i slike tilfelle.

Statsbudsjetta har dei siste åra (2011 – 2014) hatt midlar til styrking av det kommunale barnvernet. Satsinga skal setja kommunane betre i stand til å utføre sine lovpålagte oppgåver etter barnevern-lovgjevinga. Det blir satsa både på fleire stillingar og på kompetanseheving.

### ***Fylkesmannen sine fokusområde:***

Fylkesmannen skal følgje opp kommunane med tilsyn i barnevernet, samt fylgje med på kommunen sine planar for styrking/utvikling av tenesta. Den statlege styrkinga av det kommunale barnevernet i dei siste åra (2011-2014) har gitt kommunane i fylket både fleire stillingar og midlar til kompetanseheving. Fylkesmannen har ei rolle både med å fordele styrkingsmidlar og følgje opp resultatet av satsinga. Stillingane er finansiert gjennom øyremerka tilskot. Det er fordelt til saman 44,1 stillingar i vårt fylke frå 2011 til 2014.

### ***Fylkesmannen sitt bilde av kommunen:***

Fylkesmannen sitt bilde av barnevernstenesta i Skodje kommune er danna gjennom rapporteringar, klagesaker og anna kontakt med Storfjorden barnevern som er ein interkommunal teneste. Skodje kommune er vertskommune og kommunane Norddal, Stordal og Ørskog er samarbeidskommunar. Den interkommunale tenesta er i perioden 2011-2013 styrka med 2,5 stillingar og med midlar til kompetanseheving gjennom den statlege satsinga. Storfjorden barnevern har etter dette 8,6 fagstillingar og 0,5 merkantil stilling.

Rapportering til fylkesmannen pr. 30.06.14 viser at kommunen med få unntak fyller krava i barnevernslova om saksbehandlingstid og planar for iverksette tiltak. Barn i fosterheim blir følgt opp slik lova krev. Talet på barn som har tiltak utanfor heimen har vore stabilt i perioden 2010 til i dag, mens talet på barn med tiltak i heimen er noko redusert i same periode. Tal for 2013 viser at andelen barn med barnevernstiltak i forhold til innbyggjarar 0-22 år ligg litt over tala for fylket og landet elles. (SSB/Kostra)

***Dialogpunkt***

- Kva er Skodje kommune si erfaring med Storfjorden barnevern?

# Kap. 8 – Oppsummering

## 8.1 Generelt

Med *Kommunebilde for Skodje* har Fylkesmannen utarbeidd ein kortfatta situasjonsrapport for kommunen som samfunn og organisasjon. Søkelyset er retta mot Fylkesmannen sine fokusområde slik dette kjem til uttrykk gjennom embetsoppdraget frå dei ulike departement og direktorat. Eit viktig mål med dokumentet er at kommunen og Fylkesmannen kan ha dialog om ulike utfordringar og korleis ein kan kome fram til betre løysingar i lag.

Kommunen har på si side utarbeidd *Kommunal planstrategi for Skodje* for perioden 2012 – 2016. Her blir viktige utfordringar for kommunen, og strategiske val for å møte utfordringane, nærmere drøfta. Vidare blir både status for overordna planar etter plan- og bygningslova og planar for ulike kommunale tenesteområde nærmere gjennomgått og vurdert. Kommunen vil i inneverande planperiode prioritere arbeidet med revisjon av kommuneplanens samfunnsdel 2014 - 2024. Samla sett utgjer planstrategien og kommuneplanen viktige verktøy for samfunnsstyring og tenesteproduksjon.

## 8.2 Vidare dialog og samarbeid

Innhaldsmessig har dette dialogdokumentet retta søkelys mot følgjande hovudtema:

- Regional og kommunal samfunnsutvikling – plansamordning, kommuneøkonomi og interkommunalt samarbeid
- Justis og beredskap
- Miljøvern og arealforvaltning
- Landbruk og bygdeutvikling
- Oppvekst og utdanning
- Helse- og sosial

For kvart hovudtema er det lista opp ulike deltema, og til kvart av desse er det under overskrifta *Fylkesmannen sitt bilde av kommunen* gjort nærmere greie for kommunens status i forhold til Fylkesmannens fokusområde og eventuelle andre relevante forhold. Under overskrifta *Dialogpunkt* peikar Fylkesmannen på utvalde innsatsområde som kommunen kan nytte i sitt vidare arbeid med kvalitetsforbetring. Fylkesmannen ønskjer nærmere dialog med

kommunen. På fleire av desse områda kan det vere aktuelt med vidare dialog og samarbeid. Fagavdelingane hos Fylkesmannen representerer her ein viktig kunnskapsressurs som vil kunne følgje opp med råd og rettleiing.

Fylkesmannens samla inntrykk er at Skodje kommune på dei fleste fagområde gjer ein grundig og systematisk innsats knytt til dei samfunnsoppgåvane og utfordringane kommunen står overfor. Dette omfattar arbeid både innanfor og på tvers av kommunale sektorar og fagområde. Krav om oppdatert fagkunnskap og krav til oppbygging av robuste faglege kompetansemiljø vil vere ei utfordring for mange kommunar; slik også for Skodje.

# Vedlegg

Nokre aktuelle lenker til:

## Statistikk

- Kommunestatistikk Møre og Romsdal  
<http://mrfylke.no/Tenesteomraade/Plan-og-analyse/Statistikk-og-analyser/Kommunestatistikk>
- Fylkesstatistikk Møre og Romsdal 2014  
<http://mrfylke.no/Tenesteomraade/Plan-og-analyse/Statistikk-og-analyser/Fylkesstatistikk>
- Folkehelsestatistikk Møre og Romsdal  
<http://mrfylke.no/Tenesteomraade/Plan-og-analyse/Statistikk-og-analyser/Folkehelsestatistikk>
- SSB/KOSTRA <http://www.ssb.no/kostra/>

## Tabellar/figurar/kart

- Møre og Romsdal fylkeskommune/Plan og analyse/Kart og fagdata  
<http://mrfylke.no/Tenesteomraade/Plan-og-analyse/Kart-og-fagdata>

## Planar/dokument m.m.

- Regional planstrategi 2012 – 2016 Møre og Romsdal  
<http://mrfylke.no/Tenesteomraade/Plan-og-analyse/Regional-planlegging/Regional-planstrategi>
- Fylkesplan for Møre og Romsdal 2013 – 2016  
<http://mrfylke.no/Tenesteomraade/Plan-og-analyse/Regional-planlegging/Fylkesplan>
- Riss <http://mrfylke.no/Tenesteomraade/Plan-og-analyse/Statistikk-og-analyser/RISS>
- Temp <http://mrfylke.no/Tenesteomraade/Plan-og-analyse/Statistikk-og-analyser/Konjunkturbarometeret-Temp>

## Tilsynskalender sjå

Fylkesmannen i Møre og Romsdal; heimeside <http://www.fylkesmannen.no/More-og-Romsdal/>